

ZINAᄇ YAKEAᄇ

Yá pᄇ kú láε bee guuᄇ

Láε beeá lá plaade pᄇ Luku kèε. Baona lá ᄇ a kè sèia, Yesu kua dúnia guu yáᄇ ᄇ a ò a guu. Yesu taa luabe gbea (1.1-11) aà ìwaᄇ lí e wesiààle bo, āma a kúninᄇ, asa aà Nisina mé kú ní guu sa. Zinaᄇ lápi guu ᄇ Yesu gāli daalea yá kúu, mé Yesu gi ku a ìwaᄇ guu, ì ní gba gbāa.

Lua zina Pieε mé Yesu gāli dàale Yudaᄇ guu Yelusaleū, ᄇ Yesu yá ᄇtà buipāleᄇ guu Antiosi ní Kolenio ní Filipio Lua zina Pᄇlu sabai. Wà Pᄇlu wélegea dasiᄇ dàu wà sīu ní yā'ia pᄇ Yesudeᄇ lèᄇ ní lá wà yápiᄇ gᄇgᄇ ní Lua Nisina gbāao.

Luku bèbe ní Pᄇluo aà wélegeaeᄇ guu à mè: Wa gea Masedoni soukè gᄇᄇ (16.10-40). ᄇ à gèaànᄇ Yelusaleū, gu pᄇ wà Pᄇlu kùu (20.5-21.18), ᄇ boa Sezale à gèaànᄇ e Loma, gu pᄇ wa Pᄇlu kūau wè pla e wàᄇ gé yákpalekeiaànᄇ (27-28).

Za a daaleawa Luku yá pᄇ kú láε bee guuᄇ zekàle à mè (1.8).

Yesu gāli a daale Yelusaleū Yesu taa luabe gbeae (1.1-8.3)

Wa Yesu baona kpa gupiiu Yuda bùsuu (8.4-12.25)

Wi baonapi kpa e à γε peᄇ Lomadeᄇ mεεwia Lomawa (13.1-28.31).

Yápi lia dúniaa bᄇ Lua zinaᄇ waasokeaᄇ guue ní yá pᄇ aa ò gbéᄇneᄇ. Baona pᄇ Lua zinaᄇ kpà

Yudaone ní buipãleá Yesu yáe ado. Lua Nisina mé ìo gbáka zinaone an yá'oa ní ní yakeao guu.

Lua zinao zĩ pọ Yesu dà a ìwaone zebò, mé za gwo bee Yesudeo lé zĩpi ke, aale Yesu Kilisi baona kpa gbépiie e à ge pe dúnia léwa.

Yesu taa luabe

¹ Teofili, má òne ma lá séia guu lá Yesu kè ní yá pọ a dànécó pii za a daalegwo* ² e gwo pọ à yādile a zinaone ní Lua Nisina gbāao, ò Lua aà sè tàò a kíi. ³ Asa aà gaa gbèa à azia òlóné, ò aa dè seasai a bée. A azia òlóné e gwo bla, à kpala pọ bọ Lua kíi yá'òné. ⁴ Ké aa káaaa, ò a òné: Asu bọ Yelusaleũo. Aó lé pọ ma Mae gbèé dá lá ma a yá'òéwa.† ⁵ Asa Zāa gbéó da'ilekè ní íoe, āma gwoplanaea má á da'ileke ní Lua Nisinao.‡

⁶ Lá aa káaaa màa, ò aa aà là aa mè: Dii, gwo bee ò níyò Isailio kpala vua? ⁷ A wémá à mè: A a zé ví àò a gwo ge zaa pọ ma Mae dile ní azia ikoo dōo. ⁸ Tó Lua Nisina díé, á gbāa'e, ìo de ma seeladeo§ ū Yelusaleũ ní Yude būsuo gupioo ní Samali būsuo e à ge pe dúnia léwa. ⁹ Yá bee oa gbèa Lua aà sè ní wáa e à gè sāsā ní wéwa luabepuanau.* ¹⁰ Aà taa guu, lá an wé pé luabewa, gbèon plaeo bọ mọ zè ní sae pókasa puao daa. ¹¹ Aa mè: Galile būsudeo, àkea á zea ále luabe gwai? Yesu pọ Lua aà bọ á guu à tàò a kíipi, a ea mó, lá á è àle tá weewa.

Yudasi gèe dilea

* **1:1** Luk 1.1-4 † **1:4** Luk 24.49 ‡ **1:5** Luk 3.16 § **1:8** Mat 28.19, Maa 16.15, Luk 24.47-48 * **1:9** Luk 24.50-51

12 Ǿ aa p̄ila Kùkpe sìsiwa aa sù Yelusaleũ. Sìsipi zã ní Yelusaleũo lán kiloo do taawaε. 13 Ké aa kà, ̄ aa ḡè kpediakõa musu guu, gu pó aa kuu yãa. Piεε ku we ní Zãao ní Zaakio ní Andeleeo ní Filipio ní Tomaaoo ní Batelemiio ní Matieeo ní Alafe né Zaakio ní Simoo Gínziaoo ní Zaaki né Yudasio.† 14 Ampii aa nízia kpà wabikεawa ní lεdoũo ní Maliama Yesu dao ní Yesupi dāunao ní nœ k̄niio.

15 Goo bee Piεε f̄εle zè a gbé pó aa kà gb̄εon basoolo taawaoo guu à mè: 16 Gb̄é, yá pó Davidi ò ní Lua Nisina gb̄aoo Yudasi pó d̄aa gbé pó aa Yesu k̄ũne musu, bee k̄ùè, ̄ à kè màa. 17 A de wá gb̄edo ũ yãaε, aà baa kú wá z̄ie bee guu. 18 A t̄oolε lù ní ̄aa pó a è a v̄aika musuo, ̄ à sè à p̄una, aà n̄onaoo b̄ile pii. 19 Yelusaleũdeoo pii yápi mà, ̄ aa t̄okpà gupie Akedama ní ní bui yáo. Bee mè Gb̄edena t̄oolε.‡ 20 Wà aà yá'ò Sou lá guu wà mè:

Aà be a ḡo uaz̄i ũε,

gb̄εe ao ku a guu lo. §

Wa ò lo:

Sema gb̄ep̄ale z̄ile aà gb̄eu. *

21-22 Ayãmeto gb̄é pó aaĩo téwázi goo pó wá s̄anu ní Dii Yesuo za Zãa gb̄é da'ilεkεgoo e goo pó Lua aà b̄ò wá guoo, wà ní gb̄edo se aào de aà vua seelade ũwanoo. 23 Ǿ wà gb̄εon plaoo sè, Yosefu pó w̄i m̄ε Baasaba, w̄i oè lo Yusitu, ní Matiasio. 24 Ǿ aa wabikè aa mè: Dii, ní gb̄épii n̄d̄e d̄õ. Gb̄εon plaoo guu gb̄é pó ní sè ɔbw̄εε, 25 ké aà bàa ào kú ní wá z̄inao z̄ie bee guu yáí, z̄i pó Yudasi b̄òu à gè gu pó k̄õsiano guu. 26 Ǿ aa

† 1:13 Luk 6.14-16 ‡ 1:19 Mat 27.3-8 § 1:20 Sou 69.26 * 1:20 Sou 109.8

télepà gb̃on plapió yá musu. Matiasi téleblè, ò aa
aa dà zina gb̃on kuedoó guu.

2

Lua Nisina moa

¹ Ké Páteko* dikpegoó kà, aa ku gudoú mípii.
² Kándo aa k̃fi mà à b̀ luabe lán zàa'ian gb̃aawa, ò
à kpé pó aa zòleu wà. ³ Aa pó è lán télepionawá, aa
fàaa nàna n baade miwa. ⁴ Lua Nisina òiné mípii, ò
aa nà yãebui'owá lá Nisínapi dànè aa owá.

⁵ Yudaéo ku Yelusaleú we, luayámana pó aa b̀
dúnia búsu pii guuó ũ. ⁶ Ké aa n zóapi mà, aa
kàaanzí dasidasi, ò aa bílikè, ké aa mà aale n baade
pii buiyá'ò. ⁷ Yápi n kú gb̃aa à b̀ n sae aa mè:
Yá'onapioá Galiledeone píio lò? ⁸ Akéa wá mà aale
wá baade buiyá'ò? ⁹ Paatio n Medéo n Elaúon wá
ũ n gbé pó kú Mesopotamio n Yudeo n Kapadosio n
Pōntuo n Azio ¹⁰ n Filizio n Pãmfilio n Egipio n Libii
búsu pó kú Sileni saeo n gbé pó b̀ Lomaó. ¹¹ Yudaó n
gbé pó aa n zé sèon wá ũ n Keletio n Laalubuó, ò wá
mà, aale Lua yãbonsaekéao o n wá baade buiyáó.
¹² Yápi n kú gb̃aa, aa bílikè, aale k̃ lala aa mè: Yápi
de kpelewan wei? ¹³ Gb̃eó s̃ aale n láanike aa mè:
I mé n ká.

Pièe waasokéa

¹⁴ ☽ Pièe fèle zè n a gbé k̃ni gb̃on kuedoó, à yá'ò
gb̃augb̃au à mè: A Yudaó n gbé pó kú Yelusaleúó pii,
tó á ye yápi d̃, à swákpa ma yáí. ¹⁵ I i gbépio k̃á lá

* **2:1** Lev 23.15-16

ále ewao, asa koo mò kēokwiε. ¹⁶ Anabi Yoeli d̄baa yáε bee ò à mè:

¹⁷ Lua mè gɔɔgbεzāzī

má a Nisina pisi gbépiε,
á nεḡεo ní á nεnoεo i ānabikeke,
á èwaasoɔ i wépungu'e,
á maezɔɔo i yáo e iu.

¹⁸ Gɔɔbeezi má a Nisina pisi
ma zòblenaɔne ḡεo ní noεo píi
aai ānabikeke.

¹⁹ Má seelaɔ ke musu,
má yābɔnsaεo ke dúniau,
au ní téo ní teluo ao ku.

²⁰ Iatē a siakū,
mɔvua a tā lán auwa
e Dii mɔgɔɔ z̄ɔɔ gawide ào mó,

²¹ Dii s̄isinao i bɔ pii.†

²² Isailio, à yáε bee ma. Lá á d̄ɔ áziawa, Lua tò a Yesu Nazaleti dea a gbé ũ seela è dabudabuo ní yābɔnsaε pó a tò Yesupi kè á guo yái. ²³ Lua zèò a p̄œā ní a d̄ɔao guu ké wà aà kpáwá, ã á tò luayād̄nsaiɔ aà p̄aliwa aa aà d̄è.‡ ²⁴ Ÿ Lua ga ba pòlowà à aà vù,§ asa a zé kú ké ga f̄ɔ ào aà k̄ūao.

²⁵ Asa Davidi aà yā'ò à mè:

Mio Dii e ma wéu gɔɔpii,
lá a ku ma oplaai, má kpaguao.

²⁶ A yái ma pɔ ì na,
ma n̄ðε ì yáalo,
ma wé d̄oi baa ma mε ao ku aafiaε,

²⁷ asa híȳɔ ma to miauo,

† 2:21 Yoε 3.1-5 ‡ 2:23 Luk 23.33 § 2:24 Luk 24.6

nyõ wei n gbé pò a kua adoa yaikεo.

²⁸ N ma ka wēni zéwa,
n kíi pona Ìo pεεau.*

²⁹ Ma gbé, má fõ wá dezi káau Davidi yā'óé wásawasa. A gà, wà aà v̄ì, aà mia ku wé̄leu la e ní a gbāo. ³⁰ Aà ānabikε guu a dõ ké Lua legbè̄ε à mè á a buie kpa a kpalau.† ³¹ ∩ Davidi d̄aa Mesii vua yá'ò à mè:

Lua a aà to miauo,
a wei aà me yaikεo.

³² Yesupi ÿ Lua aà bò gau. A seeladeon wá ũ wápii.

³³ Zõlea a Mae Lua oplaii à aà Nisina pò à a legbè̄wεε èwà, ÿ a p̄siwεε. Yá pò ále e mé ále ma tiaε bee bò weε. ³⁴ Asa i ke Davidi mé f̄leε gè luabeo, à mè:

Dii ò ma Diiε aà zõle a oplaii

³⁵ e aà aà ibεεo keè aà gbadibo ũ.‡

³⁶ Isailio, àò dõ sáasá ké Yesu pò a aà p̄aliwa ÿ Lua aà d̄ile Dii ũ, Mesii ũ.

³⁷ Ké aa yápi mà, à ní sõ zò, ÿ aa Piεε ní zina kíniò là aa mè: Gbé, wá sé kpelewa ni? ³⁸ ∩ Piεε òné: A baade n̄selile, í da'ileke ní Yesu Kilisi t̄óo, á duuna i kéwá, Lua i á gba a Nisina. ³⁹ Asa lé pò Lua gbè̄pi de á pò ũe ní á néo ní gbé pò kú z̄ào, gbé pò Dii wá Lua a ní sépio pii. ⁴⁰ A yāp̄aleo òné dasi, à n̄emá à mè: A ázia b̄o gbāgb̄e v̄aie beeo guu. ⁴¹ ∩ gbé pò aa aà yá s̄io da'ilekè. Zibeez̄i ÿ wà k̄afi ní guu gb̄εon òaas̄ōo lεε àaõ (3.000).

Yesu ndaikenao kua ní k̄õ

* **2:28** Sou 16.8-11 † **2:30** Sou 132.11, 2Sam 7.12-13 ‡ **2:35** Sou 110.1

42 Aa laaidò zinao yādaanéwa ní gběkekεak̄εo ní Dii blebleao ní wabikeao. 43 Zinapio lé dabudabuo ní yābɔnsaεo ke, ɔ vīa gbépii kù. 44 Dii náaikenaɔ pii gáli dou. An pɔvīa de amp̄ii pó ũε. 45 Tó aa ní pɔvīaɔ yīa, aaí a ɔa kpakɔwa lá gbé a bɔɔle vīwa. 46 Lá gu lé dɔ aaɔ kɔ káaa Lua ua ní ledouo, aaɔ Dii ble ble kɔ be, aaɔ pɔble ní pɔnao ní n̄semendoo. 47 Aaɔ Lua táasile mé aaɔ na ní gbépiio. Dii ɔ gbé pó ále ní suabaɔ káfi ní guu lá gu lé dɔ.

3

Gɔε εε gbágbāa

1 Gɔɔewa Pιεε ní Zāao gè Lua ua íatē auapilaa lousisigɔɔ. 2 Gɔεε ku we, wà aà í εε ũε. Lá gu lé dɔ wí aà se mɔ dile Lua ua bɔle pó wí me Bɔle Kefenau, ɔ ɔ baake gbé pó aale gē uapiuɔwa. 3 Ké à Pιεε ní Zāao è, aale mɔ gēi Lua ua, ɔ à baakè má. 4 Aa wepèwà, ɔ Pιεε m̄ε: Wá gwa. 5 ɔ à web̄imá, àle ní gba dá. 6 ɔ Pιεε òè: Má ɔa vīo, āma pó pó má vī má n gba. N Yesu Kilisi Nazaleti tóo, fεle taa'ò. 7 ɔ Pιεε aà kù a ɔplaawa, à aà f̄εle zè. Wegɔɔ aà gbálaɔ ní aà gbakūπεεk̄iio gbāakù. 8 A vī zè, ɔ à nà taa'òawa. A gèínɔ Lua ua, àle taa'ò, àle vīvī, àle Lua sáaukpa. 9 Gbépii aà è, àle taa'ò, àle Lua sáaukpa. 10 Ké aa aà d̄ò baakena pó ɔ z̄ɔle Lua ua Bɔle Kefenau ũ, ɔ yá pó wa kèèpi ní kú gbāa, à b̄ò ní saε. 11 Lá à nà Pιεε ní Zāaowa gu pó wí me Salomɔɔ Bilandaau, ɔ gbépii lé gē ní k̄i, asa yápi b̄ò ní saεε.

12 Ké Pιεε gbéɔ è, a òné: Isailio, b́yāi yápi b̄ò á saei? B́yāi a wef̄iwá màai? Ale e wázia gbāa ge wá ma Ayám̄eto gbéε bee taa'òe? 13 Wá dezi káauɔ

Ablahaũ ní Izaakio ní Yakɔbuo Lua* gwea kpà a zikena Yesuwa. Apio sɔ a aà kpà gbãadeɔwa, a bɔ aà kpe Pilati pɔ zè ní aà gbaeao ae. ¹⁴ A bɔ gbẽmaa pɔ a kua adoapi kpe, ɔ a wabikè Pilatiwa aà gbẽdenae kée.† ¹⁵ A wẽniki dè, ɔ Lua aà bɔ gau. A seeladeɔn wá ũ. ¹⁶ Yesu náaikea mé tò gɔe pɔ á aà dɔ mé ále aà gwae bee gbàgbã Yesupi tɔ gbãa yáí. Yesu náaikea mé aà gbà aafia ápii wáa. ¹⁷ Tia ma gbéɔ, má dɔ ké ápio ní á gbãadeɔ yá pɔ á kè á wésia yáe. ¹⁸ Lua dɔaa dà ānabione, ɔ aa ò nípii Mesii a taasike, ɔ à kè màa. ¹⁹ Ayāmeto à nɔselile, í ze ní Luao, á duuna i wolowá, ²⁰ ké à mɔé ní dɛepoogɔɔ, i Yesu pɔ à dɔaa diléé Mesii ũpi ziwá. ²¹ Sema aàɔ ku musu gĩa e gɔɔ pɔ Lua a pɔpii keke dafu, lá a dà a ānabione aa ò za káauwa. ²² Mɔizi mè Dii á Lua a á gběe se ānabi ũ láawa. A yá pɔ a oé ma pii. ²³ Gbé pɔ i ānabipi yāmao, Lua a ade bɔ á guu à dɛe.‡ ²⁴ Anabi pɔ aa Lua yā'ò sea za Samueliwaɔ pii gɔɔe bee baokpà. § ²⁵ Yá pɔ ānabipio ò ní Lua bàa pɔ kú ní á dezi káauɔo gɔ á pɔ ũ, lá a ò Ablahaũewa à mè á báaada dúnia bui píigu aà bui sabai.* ²⁶ Beewa Lua tò a zikenapi bɔ mɔwá, à aà ziwá gĩa aà báaadaágu, ké á baade miké a yāvãikeaɔwa.

4

Yákpalekea ní Piɛɔ ní Zāao

¹ Ké Piɛ ní Zāao lé yā'o gběɔne, sa'onao ní Lua ua dɔanao gbězɔɔo ní Saduseo gènízi. ² An pɔ pà, ké aale

* **3:13** Bɔa 3.15 † **3:14** Luk 23.13-23 ‡ **3:23** Iko 18.18-19
§ **3:24** 2Sam 7.12-16 * **3:25** Daa 22.18

geo vua yāda gbéone aale Yesu vua kpawake yái. ³ Ǿ aa ní kú aa ní dá kpéu e gu dɔ, asa oosi kè kòe. ⁴ Ama gbé pɔ ní yāmà aa Yesu náaikè dasi e an gōeo dasikù à kà gbēon àasɔɔo lee sɔo (5.000) taawa.

⁵ Ké a gu dɔ, Yuda gbāadeo ní gbēzɔɔo ní Mɔizi ikoyādanedeo kàaa Yelusaleũ. ⁶ Sa'onkia Anasi ku we ní Kaaifao ní Zāao ní Alesāndao ní gbé pɔ aa de sa'onkiapi dae ũo pii. ⁷ Wà mò ní Piεeo ní Zāao gbāadepio ae, ɔ wà ní lá: Bó gbāa ge de tó a bee kèdì? ⁸ Ǿ Lua Nisina dède Piεewa, a òné à mè: A gbāadeo ní gbēzɔɔo, ⁹ lá ále wá lala gbā maa pɔ wá kè kòe, lá wá kè à gbàgbā yái, ¹⁰ á Isailio ápii, à dɔ ké gbé pɔ zea á aee bee aafia'è ní Yesu Kilisi Nazaleti pɔ á pàliwa Lua àà b̀ gau tóe. ¹¹ Beewa gbε pɔ á ēbonao a pàkpài mé g̀ gbεo mide ũ.*

¹² Gbēpāle ku à gbé suabao, asa dúnia guu pii Lua i gbēe dile gbēnazinaone à ní suabao, sema aàpi.

¹³ Ké aa è vía i Piεe ní Zāao kũo, mé aa ní dɔ zɔe ladɔnsaiò ũ, à b̀ ní sae, ɔ aa ní kua ní Yesuo yá d̀ sa. ¹⁴ Lá aa gbé pɔ gbàgbāpi è zea ní sae, aai e yāe zāsímáo, ¹⁵ ɔ aa òné aa b̀le. Aa lekpaaf ¹⁶ aa mè: Wá sé ní gbépio kpelewa ní? Asa Yelusaleũde dɔ pii ké aa dabudabu zɔ kè, wá fɔ gi beeio. ¹⁷ Ké yápi su ligua de kéao, wà gíné pásipási aasu yá'o gbēe ní tɔpio bo. ¹⁸ Ǿ aa ní sisi, aa gíné fíafia aa yá'o ge aa yādané ní Yesu tóo. ¹⁹ Ǿ Piεe ní Zāao wémá aa mè: A gwa áziawa à gwa. A yá wà maa, ge Lua pɔe? A kpele mé maa Luaei? ²⁰ Asa wá fɔ gí yá pɔ wá mà mé

* **4:11** Sou 118.22

wá è oio. ²¹ Gbãadeo èa vïadàdańzi, ñ aa n gbáe. Aai ïadaama zé eo dasi yáí, asa gbépii lé Lua sáaukpa yá pò kèpi yáíe. ²² Gbé pò aa gbágbãa dabudabu bee kèè zi de wè blaa.

Galideo nòsedoukea n kōo

²³ Ké wà n gbáe, ñ aa tà n gbé kíi, aa òné lá sa'onkia n gbèzōō òné. ²⁴ Ké aa mà, aa wiilè Luawa n làasoo doũo aa mè: Dii, nímme n musu kè n tōleo n ísiao n pò pò kú n guuo pii.† ²⁵ N dà n zíkena wá dezi Davidie n n Nisina gbãao, ñ à mè:

Bóyái bui n buio lé zokai?

Bóyái wàle lé pá kpaai?

²⁶ Dúnia kíao lé zì sukε,
kpalablenao lé kãaa Diizi
n Mesii pò a kpào.‡

²⁷ Sianaε, Elodi n Põnsi Pilatio kãaa wéleε beu n Isailio n buipáleo n zíkena pò a kua adoa Yesu pò n kpàpizi.§ ²⁸ Aa kè lá n dōaa n zèò n gbãa n n pœaowa. ²⁹ Tiasa Dii, yãpãsi pò aa ò ma we. Wápi n zòblenao, wá gba lé wà n yã'o n sōo dilεa. ³⁰ Oduwá wà gbéō gbágbã wà dabudabuo n yãbonsaεo ke n n zíkena Yesu pò a kua adoa tóo. ³¹ Ké aa wabikè aa làa, gu pò aa kãaaau lùalua, Lua Nisina dèdemá nípii, ñ aa gè lé Lua yá'oné n sōo dilεa.

³² Yesu náaikena n gáli làasoo doũ vï n ledouo. An gbèe lí me a pōvïaó a pœe adoo. An pōpiiá ampíi pœe. ³³ Zinao lé Dii Yesu bōa gau yã'o gbéōne n iko zōo. Ampíi aa na n gbéō maamaa. ³⁴ Gbèe pœe taasi vï n guuo, asa gbé pò aa bú vïo ge kpéō aaí yía

† 4:24 Bōa 24.11 Sou 146.6 ‡ 4:26 Sou 2.1-2 § 4:27 Luk 23.1, 7-11

aa mó ní a ãao, ³⁵ aa kpa zinaowaε, ã wĩ ãapi kpa baadewa, lá a a bõle víwa. ³⁶ Levii bui Yosefu pò bò Sipi bùsuu kú ní guu. Zinao tokpàè Baanaba. Bee mè nòsɛninina. ³⁷ A a bú lεε do yía, ã à mò a ãa kpà zinaowa.

5

Anania ní Safilao

¹ Gõε pò wĩ mε Anania ku ló ní a na Safilao. A a tõle yía, ² à a ãa kɛni kuluyè ní a na dõao, ã à gè a kɛni kpà zinaowa. ³ Ǿ Piεε òè: Anania, bõyāi ní tò Setāu dāanε màa, n n tõle ãa kɛni kuluyè, ã n εεtò Lua Nisinaei? ⁴ Gõõ pò ni tõlepi yíao, n pò nolo? Ké ní yía sõ, lá ní yei, nýõ ke ní a ãaoo lé? Akεa n yá bee kεa làasookèi? I ke gbēnazina n εεtòèo, Lua ní tòè. ⁵ Ké Anania yápi mà, à lèlε à gà. Ǿ vía gbé pò yápi màò kù maamaa. ⁶ Ewaasoo gè aa zwāa kuaāla, ã aa aà sè gε vī.

⁷ Ké à kà lεεlu àaõ taawa, yāemasai aà na mò gè. ⁸ Ǿ Piεε aà là à mè: Omεε, a tõlepi yía kéwa yà? A wèwà à mè: Ao, màaε. ⁹ Ǿ Piεε òè: Bõyāi a Lua Nisina lè á gwài? Gbé pò aa n zá vīõ ku kpεεε, aa n sε bõnnõ sõ. ¹⁰ Wegõõ à lèlε aà aε à gà. Ké èwaasoo gè, aa è à gà, ã aa aà sè gε vī aà zá saε. ¹¹ Ǿ vía Yesudeõ kù maamaa nípii ní gbé pò yápi màò píi.

¹² Zinao lé dabudabu ní yābõnsaεõ ke gbéõ guu dasi. Ampii aai kōkāaakε sānu Salomõõ Bilandaau. ¹³ Gbēpāleõ lí we nāmáo, āma gbēpii i ní tɔnasiε, ¹⁴ mé bíla pò lé Dii Yesu náaikεõ, gõεõ ní nɔεõ píi, aalõ ká ní guu. ¹⁵ Ǿ wà gyāεõ sèlε ní wúlebõõ ní mákelεõ wà ní kálε zéu, ké tó Piεε lé gē, aà nisina e da ní gbēõla.

16 B́ila b̀ò w'́ele p̀ó kú Yelusaleũ saeo aa m̀ò ń gyãeo ń gbé p̀ó t́aa lé íadamáo, ̄ aa gbàgbā pii.

Wétēa moa zinaone

17 Ǿ sa'onkia ń Saduse gálide p̀ó de aà gbé ũo wɛd̀ò zinaone aa f̀elɛnɔ, 18 aa ń kũkũ aa ń ká kpéu, 19 ̄ Dii malaikae m̀ò kpépi zé w'̀éné gwãasina, à ń bóle à m̀è: 20 A ge àò ku Lua ua, í w'̀eni dafupi yá'o gbépiie.

21 Zinao yápi mà, ̄ aa gè Lua ua koo koo, aale yádané.

Ké sa'onkia ń a gbéò f̀ele, aa Isaili gbãadeo ń ń gbẽz̄oo kàaa, ̄ aa d̄oaiò z̄i aa ge zinao bóle kpéu aa m̀ónɔ. 22 Ké d̄oaiò kà we, aai ń e kpéuo. Ǿ aa èa ge òné 23 aa m̀è: Ké wa ka kpépi kíi, wá lè gbaò tataae giũgiũ, mé a d̄òanao ku kpæele, ãma ké wá w'̀è, wi gbēe euo. 24 Ké Lua ua d̄òanao gbẽz̄oo ń sa'onkiaò yápi mà, aa bilikè yá p̀ó zinao lèwa. 25 Ǿ gbēe mo òné: A ma! Gbé p̀ó a ń ká kpéuo ku Lua ua, aale yádané. 26 Ǿ Lua ua d̄òanao ń ń gbẽz̄oo gè ń kũkũ aa s̀únɔ yákelesai, asa aale viake gbéone, ké wà su wà ń pápa ń gbɛo yáie.

27 Ké aa s̀únɔ, aa ń zé gbãadeo ae, ̄ sa'onkia yálalamá à m̀è: 28 Wa gié f̀iafia à yádané ń t̀opioe, ̄ á tò yápi gi lí Yelusaleũa pii, mé á ye gbépi gaa yádiwēea? 29 Ǿ Píe ń zina kíniò w'̀emá aa m̀è: Lua yá mé kù wà ma de gbēnazina p̀óa. 30 Wá deziò Lua mé Yesu p̀ó a aà lòo líwa á dèpi b̀ò gau. 31 Lua aà se z̄òle a oplaai D̄oana ũ, Suabana ũ, ké à Isailiò gba zé aa ǹselile, an duuna i kémá. 32 Yápiò seeladeon

* 5:28 Mat 27.25

wá ũ, wápiò ní Lua Nisína pò Lua ì kpa gbé pò lé a yámaowao.

³³ Ké aa yápi mà, an pò fè, ò aa ye zinao dede.
³⁴ Falisi pò wí mè Gamalieli kú ní guu. Lu-ayādanede, gbépii ì aà tonasi. A fèlè zè à mè wà bò ní gbépio gĩa. ³⁵ Ō a òné: Isailio, à laaika yá pò á ye ke gbépiòni. ³⁶ A gɔɔ i gēgēo ké Tedasi fèlè lé azia dile a ka. Wà tēaazi gbēon òaa pla taawa. Ké wà aà dè, ò aà ìwao gāmbaablèkōwa, ò yá làa. ³⁷ Aà gbēa Galile gbé Yuda fèlè naogɔɔ, à gbéɔ gà a nàwa dasi. A gà sō, ò aà ìwao fāaa pii. ³⁸ Mále oé tia, ásu gbépio yādao, à ní tó we. Tó an pōeā ní ní yakeao bò gbēnazina kíie, a bāde. ³⁹ Tó à bò Lua kíie sō, á fō kpánéo. A laaika zikaa ní Luaozi. Aa aà yāmà, ⁴⁰ ò aa zinao sisi aa ní gbé. Aa gíné aa yā'o ní Yesu tóo, ò aa ní gbáe.

⁴¹ Zinao bò gbāadeo kíi ní pona, asa Lua dile an beee kà wà widamá Yesu tōbɔa yáie. ⁴² Lá gu lé dɔ aaiò yādané Lua ua ní ní beo, aaiò Yesu baokpané kāmabosai, aai mè òmē Mesii ũ.

6

Dɔnlɛde gbēon soplao dilea

¹ Gɔɔ bee ké Yesudeo lé káfi, an Geleki yāmanaò lé yákütēka an Ebelu yāmanaòzi aa mè, tó wàlè blè kpaalè lá gu lé dɔ, wí pākpa ní gyaaozi. ² Ō zina gbēon kuɛplao Yesudeo sisi pii aa mè: A zeví wà pākpa Lua yáí wà laaido blèkpaalɛawao. ³ A gōeo ple á guu gbēon soplao, gbēmaa pò òno páné, Lua Nisína pèemáɔ, wí ní dile zipi gbēzōo ũ, ⁴ wí laaido wabikɛawa ní luayá'ohanéo. ⁵ Yápi kàngu nípii, ò

aa Etiēe pó luanaaikēa ní Lua Nisinao pèewà sè ní Filipio ní Pòlòkòò ní Nikanòò ní Timòò ní Paamenao ní Antioxi gbé Nikolaa pó Yudaò lousisize sè yāao. ⁶ Wà gèrínò zinao kíi, ò aa wabikèné aa onámá.

⁷ Lua yá lé ligua, Yesudeò lé káfi Yelusaleū maa-maa, ò sa'onao Yesu yá si dasidasi.

⁸ Gbēke ní gbāao pèe Etiēewa, ò àle dabudabuo ní yābónsaèò ke bíla guu. ⁹ Lousisikpèe ku wí me Wéèò lousisikpèe. A gbèèò bò Sileni ní Alesāndio ní Silisi búsuo ní Azi búsuo. Ò aa íbelesè ní Etiēeo, aa lekpaakèaànò. ¹⁰ Ama aai fò aà fùò ònò pó Lua Nisina aà gbà yáí. ¹¹ Aa nà gbéò kpe, ò gbépio mè: Wá mà à bò Mòizi ní Luao yá kpe. ¹² Aa Yudaò ní ní gbèzòòò ní Mòizi ikoyādanèdeò nòse fèlè, ò aa gè Etiēe kù aa gèaànò ní gbāadeò kíi. ¹³ Ò aa mò ní seelade egenao aa mè: Gbé bee mé Ìò Lua kpé ní Mòizi ikoyāo bèèbo láasai. ¹⁴ Asa wá mà à mè Yesu Nazaleti a kpépi dèele, i wá fèlekaayā pó Mòizi dàwèe lilé sé. ¹⁵ Ò gbāade pó kàle weò wèpè Etiēewa píi, aa è aà oa de lán malaika oawa.

7

Etiēe yá'oa gbāadeòne

¹ Ò sa'onkia Etiēe là à mè: N yápi ò síana yá? ² Ò a wèwà à mè: Ma gbéò ní ma maeò, à ma! Lua gawide bò mò wá dezi séia Ablahaūwa gòò pó a ku Mesòpòtami búsuu, zadò i gé zòlei Halanao. ³ A òè: Bò n búsuu n daèò guu, ní tá búsuo pó má òbne. ^{*} ⁴ Ò à bò Kaladeò búsupiu, à gè zòlè Halana. Aà mae gaa

* **7:3** Daa 12.1

gbea Lua suaano busu po a ku tiaee bee guu.† 5 Lua i busupi toolee kpawa baa kesse doo, ama a a legbèè à mè a gō aà po ũ ní aà buio.‡ Goo bee sō Ablahaũ né vío. 6 Lua òè à mè: N buio niboble busu pãleu. We aa zobleu, wi ìadamá wè òaa pla. 7 Lua mè á ìada bui po aa zoblénéowa,§ Ablahaũ buipio bole mo a sísi gue beeu.* 8 ¶ Lua tōzōyã dà Ablahaũe a bàakuaano seela ũ.† Ké à Izaaki ì, à tōzōè a gōo swaaōdezi. Maa Izaaki kè Yakobue lo, ò Yakobu kè wá dezi káau gbèon kuεplaone.

9 ¶ wá dezi káaupio wédò ní gbèdo Yosefue, aa aà yia, wà tàaano Egipi. Lua kuaano,‡ 10 à aà bò aà taasi pii guu. Lua Yosefupi gbà òno, a tò a na ní Egipio kí Falaōo, ò à aà díle Egipi busu dōana ũ ní a bε'uaō.§ 11 ¶ noana kà Egipi ní Kanaa busuo pii. Taasi kè zōo, wá dezipio i poe e blèo. 12 Ké Yakobu mà ése ku Egipi, à wá dezipio zì we. An gea séian we.* 13 A gēn plaade Yosefu azia òlo a vionε, ò Falaōo Yosefu daeo dè.† 14 ¶ Yosefu gbé zì a mae Yakobuwa aà mó ní a daeo pii. Ampii aa gbèon basiiō soosaie. 15 ¶ Yakobu gè Egipi. A gá we ní wá dezipio pii.‡ 16 Wà sù ní ní geo Sikεũ, ò wa ní ví gbè'ε po Ablahaũ lù Amoo néowa mia ũ à fiabò ní ánusuo guu.§

17 Ké lé po Lua gbè Ablahaũe kego ye kái, wá bui dasikù à káfi Egipi maamaa. 18 ¶ kía dafu po Yosefu dōo zòle kpalau Egipi.* 19 A pási ní wá buio, à wá

† 7:4 Daa 11.31, 12.4 ‡ 7:5 Daa 15.18, 17.8 § 7:7 Daa 15.13-14

* 7:7 Bba 3.12 † 7:8 Daa 17.10-14, 21.4 ‡ 7:9 Daa 37.28,

39.21 § 7:10 Daa 41.39-41 * 7:12 Daa 42.1-2 † 7:13 Daa

45.1 ‡ 7:15 Daa 46.1-7, 49.33 § 7:16 Daa 23.3-16, 50.7-13, Yoz

24.32 * 7:18 Bba 1.7-8

deziw wetà a tò aa ní nèo kòle aa gàga.† 20 Goo bee ò wà Mòizi Ì, aà maa kè zài. Wà aà gwà a mae be mo àaõe. 21 Ké wà aà vùaa, ò Falaõ nenõe aà kõmpa, à aà gwà azia né ù.‡ 22 Wà Egipiõ òno dàda Mòizie píi, à gò gbẽzõ ù yā'oa ní yākeao guu.

23 Ké à kà wè bla, a dà a sõu à gé a gbé Isailio gwai. 24 Ké a è Egipi gbé lé ìada a gbédowa, ò à yāsi ní a gbéo, à tsìwà à aà dè. 25 Ale e a gbéo dõ ké Lua ye à ní suaba a sabaie, ãma aai dõ. 26 Ké a gu dõ Isaili gbẽon plao lé sòleke, ò à mò ní yoaa, à awakpànè à mè: Ma gbéo, bóyāi ále ìadakõwa kõtēei? 27 Ò gbé pò lé ìada a gbédowa zò Mòizizi à mè: Démè n kpa kía ù, ò níle yākekewēei? 28 N ye ma de lá n Egipi gbédè gíawa yà? 29 Ké Mòizi yápi mà, à bàalè tà Madiã búsuu. § We à negõeo Ìu gbẽon pla.*

30 Wè bla gbèa ò malaika bò mòwà guwaiwaiu Sinai gbè sae kàele té guu. 31 Ké Mòizi dabu bee è, à bò aà sae. Ké à sõi gwai, à Dii loo mà à mè: 32 Máme má n deziw Ablahaũ ní Izaakio ní Yakobuo Lua ù. Via Mòizi kù, àle lualua, i fõ wese gwào. 33 Ò Dii òè: N n kyale bõbõ, asa gu pò ní zèu kua adoaè. 34 Ma wètèa pò wàle mó ma gbé pò kú Egipiõne è sáasã, ma ní aaukea mà, ò ma mo ní boi. Má n zì Egipi sa.† 35 Mòizi pò aa gìè yāa aa mè, démè aà òìle dõaana ù à yágõgõnéipi‡ ò Lua aà zì, à dõaané à ní mìsi malaika pò bò mòwà kàele guu sabai. 36 Aàpi mé bõnõ, à yābonsaèo ní dabudabuo kè Egipi ní Isia Tèao ní guwaiwai guuo wè bla. § 37 Mòizipi ò

† 7:19 Bõa 1.10-11, 22 ‡ 7:21 Bõa 2.2-10 § 7:29 Bõa 2.11-15

* 7:29 Bõa 18.3-4 † 7:34 Bõa 3.1-10 ‡ 7:35 Bõa 2.14 § 7:36 Bõa 7.3, 14.21, Nao 14.33

Isailione Lua a ní gběe se ānabi ũ láawa.* 38 Mɔizipi kú ní gbě́ pɔ́ kāaaapiɔ guwaiwaiu, a ku we ní wá deziɔ ní malaika pɔ́ yā'òè Sinai gbɛ musuo. Lua yá wēnideɔ kpàwà, ɔ̃ a dàwěe.†

39 Wá deziɔ gĩ aà yāmai, ɔ̃ aa gĩaazi, an làasoo tà Egipi. 40 Aa ò Aalonaɛ aa mè: Diieɔ kewěe aa dɔaawěe, asa Mɔizi pɔ́ wá bóle Egipi, wá d̃s b́ à b̀le a ũo. 41 Gɔɔ bee ɔ̃ aa t́aa pĩ lán gáaewa, ɔ̃ aa sa'òwà aa dikpekè pɔ́ pɔ́ aa kè níziap̄ie.‡ 42 ɔ̃ Lua b̀ò ní kpe a tò aa kùle luabe pɔ́ɔne lá a ku ānabiɔ lá guuwa à mè:

Isailiɔ, i ke máme a sa'òà guwaiwaiu wè blao.

43 T́aa Mɔɔku zwàakpe ɔ̃ á sea ní saana Lamfā pɔ́ a zèò taao.

Dii pɔ́ á pĩ a kùlené yáí

ɔ̃ má tò wà tàánɔ Babiloni kpele.§

44 Wá deziɔ zwàakpe v̄i guwaiwaiu. Lua a taa òlɔ Mɔizie, ɔ̃ wa kè lá Lua òèwa.* 45 Kpépi g̃ò Yozuee ní wá deziɔ, ɔ̃ aa mò buipāle pɔ́ Lua ní yánéɔ bùsu siomá.† Kpépi ku we e Davidi gɔɔ. 46 Davidipi na ní Luao, ɔ̃ à wabikèwà à e aà kpé dɔ Isailione. 47 Salomɔ mé kpépi d̀è.‡ 48 Ama Musude líɔ ku kpé pɔ́ gbēnazinaɔ d̀ò guuo, lá ānabi òwà: 49 Dii mè:

Musúá ma kpalabaaɛ,

tɔɔléá ma gbadibɔɛ.

Kpé kpeletaa á d̄m̄ei?

Gu kpele má e pilaii?

50 Máme mi pɔ́pii keo lé?§

* 7:37 Iko 18.15-18 † 7:38 Bɔa 19.18-20 ‡ 7:41 Bɔa 32.1-6

§ 7:43 Amɔ 5.25-27 * 7:44 Bɔa 25.9, 40.17 † 7:45 Yoz 3.14-17

‡ 7:47 1Kia 6.1-38 § 7:50 Isa 66.1-2

⁵¹ Luayādansaiɔn á ũ! A nòse paaao! A swá gbāae! Iɔ gi Lua Nisinaí, iɔ ke lá á deziɔwa.*

⁵² Anabi kpele á deziɔ i aà wɛtāo ni? Aa gbé pɔ dāaa Gbē Maa mɔa yā'òò dèdɛ. Aàpi ɔ a bɔ aà kpe a aà dè sa. ⁵³ A Lua ikoyā pɔ malaikaɔ òné mà, āma á kúao.

Etíēe gaa

⁵⁴ Ké aa yápi mà, an pɔ fèaàzi, aa lésakāaazi. ⁵⁵ Ǿ Lua Nisina dɛdɛa Etíēewa guu à wɛpè luabɛwa, ɔ à Lua gawi è ní Yesuo zɛa aà ɔplaii. ⁵⁶ Ǿ à mè: A ma! Ma luabɛ è wēa, Gbēnazín Né zɛa Lua ɔplaii. ⁵⁷ Ǿ aa ɔtá ní swále aa wii gbāa lè, ɔ aa kùsiwà sānusānu.

⁵⁸ Aa aà gálɛ bòò wénkpe, ɔ aale aà papa ní gbɛo wà aà dɛ. Aa ní uladaɔ bɔ kàlɛ ní èwaaso pɔ wí me Soluo.

⁵⁹ Ké aale Etíēe papa ní gbɛo, à wabikè à mè: Dii Yesu, ma nisina sí. ⁶⁰ Ǿ à kùlɛ à wii gbāa lè à mè: Dii, n̄su n̄ ní duunaɛ bee dao. Yá bee oa gbɛa ɔ à gà.

8

¹ Solupi ku gbé pɔ aa Etíēe dèò kpɛɛ. Zibeezì wà nà wétēa zɔɔ mɔa Yelusaleŭ Yesudeɔnɛwa. Mé i ke zinao bàasio, gbé k̄iniɔ fāaa píie Yude ní Samali b̄usuɔ guu. ² Luayāmanaɛɔ Etíēe v̄l̄, aa aà gaa ɔɔlò ní wii gbāao. ³ Ǿ Solupi āiakè ní Yesudeɔ kaalɛao. Iɔ gē ua ní uao àò ḡɔɛ ní n̄ɔɛ k̄ūkū, iɔ ní gálɛ gɛ ní ká kp̄eu.

Baona kpaá Samali b̄usu

⁴ Gbé pɔ fāaaɔ gè Yesu baokpà gupiiu. ⁵ Filipi gè Samali b̄usu wélɛeu, ɔ à Mesii waasokèné. ⁶ Ké bíla Filipi yāmà mé aa dabudabu pɔ a kèò è, aa laaidò yá pɔ àlɛ owa ní n̄òsem̄endoo. ⁷ Asa gbé pɔ an t̄aaɔ gòmá

* **7:51** Isa 63.10

ń wii gbãaoo dasi, mé gbẽkaaũao ń ɛɛo gbàgbã dasi.
 8 ɔ wà pɔna zɔo kè wélepiu.

9 Gõee ku we za zi wĩ me Simoo, ɔ dabudabuna ke
 i bo Samaliɔ sae, ɔ à azia dile gbé gbia ũ. 10 Néfɛnɛn
 gbẽzɔo pii wĩ laaido àà yáwa wĩ me: Gbépi gbãaa
 Lua gbãa pɔ wĩ me Gbãa Zɔe. 11 Dabudabuna pɔ ɔ
 ke ń guu à gègè ń kú. 12 Ama ké aa kpala pɔ bɔ Lua
 kíi bao pɔ Filipi kpáné ń Yesu Kilisi tɔo mà, aa sɪ, ɔ
 aa da'ilekè gɔɛo ń nɔɛo pii. 13 Baa Simoo pi yápi sɪ à
 da'ilekè, ɔ à nà Filipiwa. Ké à dabudabu ń iko zɔo pɔ
 Filipi lé keo è, à bɔ àà sae.

14 Ké zinao mà za Yelusaleũ Samaliɔ Lua yá sɪ, aa
 Piɛɛ ń Zãao zĩmá. 15 Ké aa kà we, aa wabikèné ké
 aa Lua Nisina e yáí. 16 Wà ń da'ilekè ń Dii Yesu
 tɔo, ama Lua Nisina i di an gbèee yãao. 17 Ké aa
 onámá, ɔ aa Lua Nisina è sa. 18 Ké Simoo è wà Lua
 Nisina è ń zinao onamáo, ɔ à mònè ń ɔao 19 à mè:
 A ma gba ikopi sɔ, ké gbé pɔ ma onàwà, ade lí Lua
 Nisina e. 20 ɔ Piɛɛ òè: N ɔa a kaalennɔ, asa rɪe e riyɔ
 Lua gba e ń ɔaoe. 21 N ɔ ku zipi guuo, n bàa ku a
 guuo, asa n nòse maa Luaeo. 22 Kpe li n yãvãipiɛ, ní
 wabike Diiwa. Wilio dɔo à gí sùuukeinnɔ ń n làasoo
 bee taaoo? 23 Asa má è gɔizina kú n guue, duuna
 bakàne. 24 ɔ Simoo mè: A wabikemee Diiwa ázia, ké
 yá pɔ á ò su ma leo yáí.

25 Ké Piɛɛ ń Zãao Dii seeladeke kè aa àà yá dànè,
 ɔ aa èa lé tá Yelusaleũ, aale baonakpa Samali wéleɔ
 guu dasi.

Filipi ń Etiopi gbèeo

26 Dii malaikae yā'ò Filipie à mè: Fɛɛ gé geomidokli oi. Zé pò bò Yelusaleũ à pà gbáaa à gè Gaza sé. 27 Ǿ à dàzeu. Etiopi gbēe be zépiu. Etiopi būsu nɔe kía pò wí me Kandase ziaa, mé aà àizee dōanao gbēzōe. A mò lousisi Yelusaleũ, 28 ɔ à èa lé tá zōlea a sǒgo guu, àle ānabi Isaia lá kyoke. 29 Ǿ Lua Nisina ò Filipie: Ge ñ na sǒgo keewa. 30 Ǿ Filipi bàalè gè. A mà àle ānabi Isaia lá kyoke, ɔ à aà là à mè: N kyó pò níle ke boole dōa? 31 A wèwà à mè: Tó gbēe i a zé ɔbmeo, kpelewa má fō mà dōi? Ǿ à Filipi sisi, à gè zōle aà sae. 32 Yá pò àle a kyokepin ke: Lán sã pò wàle gé a kòlokpaiwa, lán sã pò wàle a kākēlewa, a níle kpé, i a lé wēaao.

33 Wà widawà,
wi yákpalekeaano a zéwao.
Dème a fō aà gɔɔ gbéɔ yā'oi?

Asa wà aà kua dúnia guu mīdeε.*

34 Ǿ gōepi ò Filipie: Omee, dé musu ānabi bee òui? Aà zía yà ge gbēpāleε? 35 Ǿ sea Lua yápiwa Filipi Yesu baokpàè. 36 Ké aale gé ae, aa kà í kíi, ɔ gōepi mè: I gwa ke. Bóme a kpameε mà da'ilekei? 37 Ǿ Filipi òè: Tó n yápi sī ní nòsemendoo, níyō fō. A wèwà à mè: Má sī Yesu Kilisiá Lua Néε. 38 Ǿ à mè wà gó ze. Ǿ an pla mpii aa pila aa gè íu. Ǿ à aà da'ilekè. 39 Ké aa bùa sīsia, ɔ Dii Nisina Filipi kpàè gui, gōepi i aà e bo, ɔ pona guu à gèzeε. 40 Filipi su è á kú Azota, ɔ à gè Yesu baokpà wéle ní wéleo e à gè kàò Sezale.

* 8:33 Isa 53.7-8

9

Yesu bo moa Soluwa

¹ Goo bee so Solu le pobo a nu, ale yapasi o Dii iwao dedea ya musu. A ge sa'onkia ki, ² a gbèawà aà lākē Damasi lousisikpedeone aà kpawa, ké tó a su zépideo è we, g̃eo ní noeo píi, a ní kúkū suńno Yelusaleū. ³ Ké à dàzeu, à káikū ní Damasio, ò kándo gupua bò luabe à kùlewà. ⁴ A b̀lele, ò à loo mà, wàle òè: Solu, Solu, b̀yái níle ìadaai? ⁵ O à mè: Mmenn déi Dii? O a wèwà à mè: Máme má Yesu pò níle ìadawà ũ. ⁶ Fele gē ẁle guu, wi yá pò níyò ke one. ⁷ Gb́e pò aa beaànoo g̃e saii. Aa loopi mà, ama aai gb̃e eo. ⁸ Ké Solu f̀le, ò à a wé wè, i gu'eo. O wà aà kù a owa, wà gèaànoo Damasi. ⁹ A kè goo àaō gu'esai, i pobleo, i imio.

¹⁰ Yesudee ku Damasi wí me Anania. Dii yá'òè wépungu'ea guu à mè: Anania. O a wèwà à mè: Má ké Dii. ¹¹ O Dii òè: Fele gé zé pò wí me Súsú guu e Yuda be'ua, ní Taasu gb́e pò wí me Solu gbea. Ale wabikea we. ¹² Wépungu'ea guu a è n mo n onàwa ké a wé gu'e. ¹³ O Anania òè: Dii, má mà wà gb́epi yá'ò dasi, lá à yāvāikè n gb́e pò kú Yelusaleūone. ¹⁴ Sa'onkia aà gbà zé aà gb́e pò lé n sisi lao kúkū. A yái à m̀i. ¹⁵ O Dii òè: Gé, asa ma gb́epi sè aà gé ma toboi buipáleone ní ní kiao ní Isailioe. ¹⁶ Lá a taasike ma toba yái, má obo. ¹⁷ O Anania b̀ à gè gè uapiu, à onà Soluwa à mè: Solu ma gb́e, Dii Yesu pò b̀ m̀ma zéu goo pò níle mó la mé ma zí, ké n gu'e yái, Lua Nisina i dine. ¹⁸ Weg̃oo pò b̀le aà wéu lán kpòteowa aa lèle, ò à gu'è. O à f̀le da'ilékè. ¹⁹ Ké à poble, à gb̃aa è, ò à gooplakè ní Yesude pò kú Damasio.

Solu waasokea Damasi ni Yelusaleu

20 Ǿ Solu na Yesu ya waasokpaawa goɔ Yudaɔ lousisikpeɔ guu a me, Yesu me Lua Ne u. 21 Yapi bo gbɛ po maɔ sae aa me: Gbe bee me i gbɛpi sɛsinaɔ asooke Yelusaleu lo? I mo la a ni kuku a taino sa'onkiaɔ kii lo? 22 Solu so, aa gbaa bo kafi, a Yesu Mesiikeya biwanɛ, so aa ya Yuda po ku Damasio fu.

23 Goopla gbea Yudaɔ lekpaafaaazi ke aa e wa aa de, 24 so a ni lekpaafapi ma. Aa wele biiboleɔ doo faane ni gwaaasinao, ke aa e wa aa de ya. 25 Gwaaasina so Solu gbɛɔ aa da gbɛu, aa aa gbɛe ni bao baasi bli musu.

26 Ke a ka Yelusaleu, a wele a na Yesudeɔwa, so aa viakɛɛ mpii, aale aa Yesudeke naaiko. 27 Ǿ Baanaba aa se geaano zinao kii, a dau a siune la Solu Dii e zeu ni ya po Dii deo ni la a Yesu ya'o gupuau Damasio. 28 Ǿ Solu ge Yesudeɔ guu, a bebeino Yelusaleu, a ya'o gbɛone gupuau ni Dii too. 29 Ke a ya'o Yuda Geleki yamanaone, a lekpaakɛino, so aale aa we. 30 Ke Yesudeɔ do, aa ge zɛɛ Sezale, so a ta Taasu.

31 Bee gbea Yesudeɔ go doɔɔa Yude ni Galileo ni Samali busuo pii, aale zedɔ, aale ge ae viakea Diie guu, aale kafi ni Lua Nisina donleo.

Enɛ gbāgbā ni Tabita vuao

32 Pice i bebe wele ni weleɔ pii, so a ge Lua gbɛ po ku Lidaɔ gwai. 33 A goe po wi me Enɛ e we, a kaaui kalea we swaaɔ. 34 Ǿ Pice de: Enɛ, Yesu Kilisi le n gbāgbā. Fele n n pe koo. Ǿ a fele go. 35 Lidaɔ ni Salnadeɔ aa e, so aa zɛ ni Diio.

³⁶ Nɔɛ Yesudee ku Zope, aà tón Tabita. N Geleki yáo sɔ Dɔɔkasi. Bee mɛ tue. Yámaakea pèɛwà mé ì wɛnadɔ gbɛ́ɔnɛ. ³⁷ Gɔɔ bee ɔ à gyâkè à gà. Ké wà aà bò í pãsiu, wà aà sɛ wùlɛ kpɛdiakɔ́au musu. ³⁸ Zope sɔ a zã ní Lidaoo. Ké Yesudeɔ mà Piɛɛ ku we, aa ní gbɛ́ɔn plaɔ zìwà aa wabikèwà aa mɛ: Mɔ wá bɛ kpakpa. ³⁹ ɔ Piɛɛ fɛlɛ gèrɛnɔ. Ké à kà, wà dèdɛaàno kpépi musu. ɔ gyaao sàaazi nípii ní ɔɔbo, aa ula ní pɔkasa pɔ Tabita kè gɔɔ pɔ a kúrɛnɔ ɔ̀bɛ. ⁴⁰ Piɛɛ ní yá ní bóle bàasi. A kùlɛ à wabikè, ɔ à aedò gɛpiwa à mɛ: Tabita fɛle! A wé wè à Piɛɛ è, ɔ à fɛle zòlɛ. ⁴¹ Piɛɛ aà kù a ɔwa à aà fɛle zè. ɔ à Lua gbépiɔ sɛsi ní gyaao, ɔ à aà kpámá bɛɛ. ⁴² Yápi lí Zopea pii, ɔ wà Dii náaikè we dasi. ⁴³ Piɛɛ gɔɔplakè we Simɔɔ báatotona bɛ.

10

Kɔɔnɛi Piɛɛ sisia

¹ Gbɛɛ ku Sezale, aà tón Kɔɔnɛi. Aàpi mé sosa gáli pɔ wɛ Itali sosa gbɛ́ɔn basɔɔɔ dɔaana ũ. ² Gbɛ́piá luayámanaɛ, a Lua vía ví, aàpi ní a bɛdeɔ píi. I wɛnadɔné maamaa, mé ɔ wabikɛ Luawa m̀ɔmɔɔ. ³ Gɔɔwɛa íatɛ auapilaa, wɛpungu'ea guu à Lua malaikae è wásawasa, à gè a bɛ a òɛ: Kɔɔnɛi. ⁴ Kɔɔnɛi wé gò biiwà, víao aà kù, ɔ à mɛ: Bó ni, Dii? A wèwà à mɛ: N wabikɛa ní n wɛnadɔa gbɛ́ɔnɛo kà Luagu, ɔ a sɛnɔ. ⁵ Gbɛ́ɔ zì Zope sa, aa Simɔɔ pɔ wɛ Piɛɛ sisia. ⁶ A pɛla gbɛ́ pɔ wɛ Simɔɔ báatotonawa. Aà bɛ ku ísiale. ⁷ Ké malaikapi tà, Kɔɔnɛi a zíkɛna gbɛ́ɔn plaɔ sɛsi ní sosa luayámana pɔ nawao. ⁸ Ké a dàu a siuné píi, ɔ à ní zì Zope.

⁹ Ké a gu dè, ò aa dàzeu, aa kà kái ní wélepí. Goo bee Piée dèdè kpé musu íatē minanguo wabikéi. ¹⁰ Nɔana lé aà de, a ye poble, ò goo pò wàle bleke, à wépungu'è. ¹¹ A luabe è wēa, pɔe lé pila lán zwāa zōwa. Wā ba dōdō a swá mèn siiōwa píi, wàle gbae zíle. ¹² Nòbōó ní pótāa'onkuawao ní bāo píi ká a guu. ¹³ Ŋ wa òè: Piée, fēle de ñ só. ¹⁴ Ŋ Piée mè: Bauo Dii, mi tēe ge pò gbālea ble ziio. ¹⁵ Ŋ à lōopi mà a gēn plaade wà mē: Pó pò Lua gbābòè, ísu ñ a tēboo. ¹⁶ A kè màa gēn āaō, ò kándo wà pópi gā wà tàò luabe.

¹⁷ Piée lé bilike wépungu pò a è yáwa, ò Kōnei zina pò aa Simōo be gbèao kà gōo, aa zea boléu. ¹⁸ Aa lezù aa gbèa tó wekii Simōo pò wí me Piée pílau. ¹⁹ E tia Piée lé láasooke wépungu pò á èwa, ò Lua Nisina òè: Gbēon āaō lé n gbea. ²⁰ Pila gérinō seasai, asa máme ma ní zíma. ²¹ Ŋ Piée pila gè gbépio kíi à mē: Máme má gbé pò ále gbea ũ. Bóyāi a moi lai? ²² Aa mē: Sosao dōaana Kōnei mé wá zí. Gbēmaae, a Lua vía ví. Yudaō píi í aà tɔnasi. Lua malaikae òè aà n sisi a be, aà n yāma. ²³ Ŋ Piée gérinō ua à ní yāaekè.

Ké a gu dè, à fēle dàrino zéu. Zope Yesudeeo gè aà kpái. ²⁴ A goo āaōde aa kà Sezale. Kōnei a daeo ní a gbēna fēēeo kāaa, àle ní dá. ²⁵ Ké Piée gè ua, ò Kōnei gè dāaàle à kùlèè. ²⁶ Ŋ Piée aà fēle à mē: Fēle ze. Gbēnazinan ma ũ sō. ²⁷ Ale yā'oaànō e aa gè gè kpéu, ò à gbéó lè kāaaa we dasidasi. ²⁸ A òné: A dō ké Yudaō zeví aa yāale ní buipáleo ge aa gē aà uao. Ama Lua òlōmēe másu gbēe gbāsi bo ge mà aà tēboo. ²⁹ A yāi tò ké wà ma sisi, ma mo ziozionakesai. Má ye mà yá pò a ma sisiwà ma sa. ³⁰ Ŋ Kōnei mē: A goo síiōn la, ké mále wabike ma be e

iatē gè aua pilaò maa'i kéwa. Ɔ kándo ma gbēe è zea ma ae pò tekea daa ³¹ à mè: Kɔɔnei, Lua n wabikea si, mé n wēnadɔane kaaàgu. ³² Gbēɔ zɪ Zope Simɔɔ pò wɪ me Piεε sísi. A pila Simɔɔ báatotona be ísiale. ³³ Ɔ ma gbēɔ zɪma gɔɔ. Lá n mɔ, à kè maa. Tia kéwa, wápii wá kú la Lua dɔa guu, ké wà yá pò Dii òne ma yáí.

Lua Nisina dia buipálene

³⁴ Piεε yāsè à mè: Má sɪ síana sa ké Lua lí gbēe zāboo.* ³⁵ Bui píi guu gbé pò lé víakeè mé ì yāmaake, ade yá mé ì kaaàgu. ³⁶ Lua a yá dà Isailiɔne, à keaanɔ na Yesu Kilisi sabai baokpàné. Aàpi mé bui píi Dii ũ. ³⁷ A yá pò kè Yude bùsu píi guu dɔ, lá à dàale Galile Zāa kpàwakéa n gbēɔ da'ilekeao gbea. ³⁸ A dɔ lá Lua a Nisina písi Yesu Nazaletíwa, ɔ a kú n gbāao, à gè wéle n wéle à yāmaakèné, à gbé pò Ibiisi n gā liné n kpεɔ gbàgbā, asa Lua kuaànɔe. ³⁹ Wá de yá pò a kè Yude bùsuu n Yelusaleũo píi seeladeɔ ũ. Wà aà lòo líwa wa dè, ⁴⁰ ɔ Lua aà vù a gɔɔ àaɔde zɪ, a tò à azia òlwēε. ⁴¹ I ke gbépiiε no, wá gbé pò Lua dɔaa wá sé aà seelade ũɔne. Aà bɔa gau gbea wa pòbléaànɔ, wa imiàànɔ. ⁴² Ɔ a diléwēε wà waasoke gbéɔne, wí oné áme á de gbé pò Lua dilé gbé béεɔ n gyaadeɔ píi yákpalekena ũ. ⁴³ Anabiɔ píi aà yá'ò aa mè, gbé pò aa aà náaikèɔ duuna a kémá aà tó yáí.

⁴⁴ Gɔɔ pò Piεε lé yápi oné, Lua Nisina dɪ gbé pò lé yápi maɔne pii. ⁴⁵ Yápi dɪ Yuda Yesude pò mò n Piεεɔwa, ké baa buipáleɔ, Lua a Nisina písimá

* **10:34** Iko 10.17

gba ũ yáí. ⁴⁶ Asa aa mà, aale yaebui'o, aale Lua yabonsaekεao o. Ɔ Piεε mè: ⁴⁷ Gbépio Lua Nisina è lówáwa. Démε a fǔ gínε aa da'ilekei? ⁴⁸ Ɔ a ò wà ní da'ileke ní Yesu Kilisi tóo. Ɔ aa wabikèwà àà gɔɔplakeńno.

11

Piεε buipáleo yá'oa

¹ Zinao ní Yesude pó kú Yudeo mà lá buipáleo Lua yá sí sǔ. ² Ké Piεε sù Yelusaleũ, an gbé pó zè ní tǔzǔyǎoo àà tàae è ³ aa mè: N gē gyafɔodeo be n pɔblérno. ⁴ Ɔ Piεε fεle lé yápi bɔɔlekené zéze à mè: ⁵ Má kú Zopeε, mále wabike, ǔ ma wépungu'è. Ma pɔe è lán zwàa zǔowa, ba dɔdɔa a swá mèn síiǔowa. A bò luabe, àle pila ma kíi. ⁶ Ma wεpèwà tíuu, ma nòbɔo è a guu, sèa pɔo ní pótáa'onkuawao ní bǎo. ⁷ Ɔ ma lɔo mà, wa òmεε: Piεε, fele de n sǔ. ⁸ Ɔ ma mè, bauo Dii, asa tē ge pó gbǎle i gē ma léu ziio. ⁹ Lɔopi bɔa luabe gēn plaade wà mè, pó pó Lua gbǎbòè, másu mà a tēboo. ¹⁰ A kè màa gēn àaǔ, ǔ wà èa gà tàò luabe píi. ¹¹ Gɔo bee gǔo gbēon àaǔ pó wà ní zǎa bɔa Sezaleo mò ua pó má kúu. ¹² Ɔ Lua Nisina òmεε mà gérno seasai. Wá gbé gbēon sooloε beeo gè ma kpái sǔ, ǔ wa gē gbé pó gbépio zǎa be. ¹³ Ɔ a òwεε lá a malaika è, à bò mòwa a kpéu, a òe à gbé zǎ Zope ma sísii, ¹⁴ mà yá pó a api ní a bedeo píi suaba oe. ¹⁵ Ké ma na yá'oaawa, Lua Nisina dǎné lá a dǎwεε a daalegɔowa. ¹⁶ Ɔ yá pó Dii ò òmagu à mè, Zǎa gbéó da'ilekè ní íoe, api sǔ á wá da'ileke ní Lua Nisinao.*

* **11:16** Luk 3.16, Zín 1.5

17 Lá Lua gba doũ pọ́ á dàwěε gɔɔ pọ́ wa Dii Yesu Kilisi náaikè dànέ ɓ, dén ma ũ mà f̃ gièi? 18 Ké aa yápi mà, aa n̄lε, ̄ aa Lua tɔbò aa mè: Wá è Lua buipáleo gbà zé ɓ aa nòselile, aai wēni láasai e.

Antisideo zea ní Yesuo

19 Wétēamɔané pọ́ f̄le Etiēε gaa guu† mé tò gbέɔ fāaa tà Fenisi b̄suu ní Sipi b̄suo ní Antisio, aale Lua yā'o Yudaone n̄tēε. 20 Ǿ an gbέɔ bò Sipi b̄suu ní Sileni b̄suo aa gè Antisi, ̄ aale yā'o buipáleo ne s̄, aale Dii Yesu baokpané. 21 Dii lé ɔdamá, ̄ gbέɔ yápi s̄i dasi aa zè ní Diipio.

22 Yelusaleũ Yesudeo swá kà yápiwa, ̄ aa Baanaba z̄i Antisi. 23 Ké à kà we, a è lá Lua gbέkekèné, ̄ aà pɔ kèna. A ledámá nípii aa ze ní Diio ní nòsemendoo. 24 Baanabaá gbēmaaε, Lua Nisina ní luanaaikεao p̄εwà, ̄ wà kà Dii gbέɔ guu dasi. 25 Ǿ Baanaba gè Taasu Solu welei. 26 Ké à aà è, ̄ à suààno Antisi. Aā kāaa ní Yesudeo dasi, aao yādané e wè búu do. Antisi we wà d̄aa tɔkpau Yesu iwaone Kilisideo.

27 Gɔɔ bee ānabiɔ bò Yelusaleũ aa mò Antisi. 28 An gbέ pọ́ w̄i me Agabu f̄le zè à d̄aa nɔana z̄ɔ pọ́ a ka dúnia guu pii yā'òné ní Lua Nisina gbāao. Kolodi kpalablea gɔɔ ̄ nɔanapi kà. 29 Ǿ Yesudeo zèò wà ní gbέ pọ́ kú Yudeo kámasa ká lá baade gbāa f̄, wi kpásāné. 30 Ǿ aa kè màa, aa Baanaba ní Soluo z̄iò kpái an gbēz̄ɔɔwa.

12

Piε daakpeu

† 11:19 Zln 8.1-4

1 Goo bee kí Elodi ɔ̀pèlɛ Yesudeeɔ̀wa pásipási. 2 A Zāa v̄i Zaaki dè ní f̄endao. 3 Ké a è yá bee kà Yudaɔ̀gu, ɔ̀ à èa Piɛɛ kù lɔ. A bee kè Kàaso dikpe z̄iɛ. 4 Ké à Piɛɛ kù a dàkpeu, à aà nà sosaɔ̀ne ní ɔ̀z̄i aa aà d̄s̄a. Sosapiɔ̀ ḡali do gb̄ɛɔ̀n síiɔ̀siiɔ̀e e lɛɛ síiɔ̀. A dilɛ à yákpalekeaàno bíla wáa Ḡeamusu dikpe gbɛa. 5 ɔ̀ wa Piɛɛ kùa kpéu, Yesudeɔ̀ lé wabikɛè Luawa zesai.

6 Gu pó a dɔ̀ Elodi bɔ̀aàno, a gwá Piɛɛ lé i'o sosa gb̄ɛɔ̀n plaɔ̀ z̄ānguo yea ní mɔ̀daonao mèn pla, mé gb̄ɛɔ̀n plaɔ̀ ku kpɛɛɛ, aale kpépi d̄s̄a. 7 Kándo ḡòɔ̀ Dii malaikae ḡè we, ɔ̀ kpépi pù. A Piɛɛ lè a gb̄àt̄ɛɛwa à aà vù à m̄è: Fɛɛ kpakpa. ɔ̀ mɔ̀daonapiɔ̀ wòlo aà ɔ̀wa. 8 ɔ̀ malaikapi òè: N n ula da, ní n kyale kpá. Piɛɛ kè màa, ɔ̀ malaikapi m̄è: N n ula káaa n kú, ní temazi. 9 ɔ̀ Piɛɛ b̄ò teaàzi. I yá pó malaika lé keɛ d̄s̄ síana ũo, àlɛ e nana álɛ o. 10 Aa ḡè gud̄s̄ana s̄éiala ní a plaadeo, ɔ̀ aa kà b̄ɔ̀lɛu. B̄ɔ̀lɛpi gbaá m̄ɔ̀e, ɔ̀ à w̄ɛné ní az̄lao, aa b̄òlɛ lé ḡɛ w̄éɛlɛu. Kándo ḡòɔ̀ ɔ̀ malaikapi Piɛɛ tò zea guu we. 11 Ké Piɛɛ wé d̄òd̄o à m̄è: Má d̄s̄ s̄áas̄a sa ké Dii a malaika z̄i, à ma b̄o Elodi ɔ̀z̄i ní yá pó Yudaɔ̀ wé d̄oi wá kemɛɛo píi.

12 Ké aà wé k̄è, à ḡè Zāa pó w̄i mɛ lɔ Maaku da Maliamaa bɛ. Wa k̄áaaa we dasi, wàlɛ wabikɛ. 13 Ké à b̄ɔ̀lɛ gba lè, ɔ̀ n̄ɔ̀e z̄ikena pó w̄i mɛ Loda ḡè gwai. 14 Ké à Piɛɛ lɔɔ̀ d̄s̄, p̄ona guu i zé w̄ɛo, à èa bàalè gɛ òné Piɛɛ mé kú b̄ɔ̀lɛu we. 15 Wa òè: Iana kàma yà? ɔ̀ à z̄èò ké síanaɛ. ɔ̀ wà m̄è: Aà malaikae. 16 Piɛɛ ḡi lé gbale. Ké aa w̄è, aa aà è, ɔ̀ yápi òimá. 17 A ɔ̀k̄ɛné aa n̄ilɛ, ɔ̀ a dàu a síuné lá Dii a b̄o kpéu. ɔ̀ à m̄è: A gɛ o Zaakiɛ ní wá gb̄é k̄iniɔ̀. ɔ̀ à b̄ò ḡè gupálei.

18 Ké gu d̀ò, k̀fi gb̃aa dà sosaɔ z̃anguo, aale k̀s lala aa mè: Bó Piεε k̀è a ũi? 19 Elodi ò wà aà wεεε. Ké wi aà eo, ̃ à yālala gud̃anapiɔwa, ̃ a ò wà ní dεε.

Elodi gaa

Bee gbεa Elodi b̀ò Yude, à gè gɔɔplakè Sezale. 20 Aà p̀ò p̀à Tiideɔ ní Sid̃deɔzi maamaa, ̃ gbé beeɔ ledoùkè aa mò aà gwai s̃anu. Aa gè kíapi be ziaa Blasitu k̀i. Ké Blasitu ní yáε è, aa gè ledoùkei ní Elodio, asa an b̀usu p̀blea i b̀ò aà b̀usuε.

21 Ké gɔɔ p̀ó wa d̃ile kà, Elodi a kible'ulaɔ dà, à gè z̀le a g̃inaa, ̃ à yā'ò bílaε. 22 Bíla wiilè à mè: Luae mé lé yā'o, i ke gb̃enazina no. 23 Weg̃ɔ Dii malaikae aà le nè, ké i z̃õke d̃o Luaεo yái, ̃ aà me k̀òkà à gà.

24 Lua yá ̀o ligua, ̀o k̀fi. 25 Baanaba ní Sɔluo s̃, ké aa ní kámasa yá k̀èke aa làa, aa b̀ò Yelusaleũ aa Z̃aa p̀ó w̃i me Maaku s̀è tàò.

13

Baanaba ní Sɔluo z̃ia

1 Anabiɔ ní yādanedeɔ ku Antiosi Yesudeɔ guu, an t̃on ke: Baanaba ní Simeɔ p̀ó w̃i me Báasiao ní Sileni b̀usu gbé Lusiuo ní Manaε p̀ó neblè ní kí Elodio s̃anuo ní Sɔluo. 2 Gɔɔ p̀ó aale Dii sisi ní leyεao, Lua Nisina mè: A Baanaba ní Sɔluo d̃ile nído a z̃i p̀ó ma ní séwà yái. 3 Ké aa leyè aa wabikè, ̃ aa ɔnámá aa ní gbáε, aa d̃azeu.

4 Ké Lua Nisina Baanaba ní Sɔluo z̃i màa, aa gè Selusi. Za we aa gè gó'ilenau aa gè Sipi b̀usu. 5 Ké aa kà Salami, aa Lua yá waasokè Yudaɔ lousisikp̃eɔ guu. Z̃aa Maaku kúño d̃onlede ũ. 6 Aa ísia

gügünapi baa vî e Pafosi, ã aa kpàaũ ní Yuda dabud-abukena pò de ãnabi egena ũo we. Aà tón Yesune. ⁷ Iò kú ní bùsupi gbězɔ Sɛɛziu Pɔluo. Gbězɔpiá ãnɔnae, ã à Baanaba ní Sɔluo sîsi, ké a ye Lua yāma yái. ⁸ Dabudabukenapi tón Elima ní Geleki yáo. A íbelesèñnɔ, àle weele gbězɔpi swáfě, ké asu Yesu náaikɛo. ⁹ Ǿ Sɔlu pò wî me Pɔlu sɔ, Lua Nisina dèdewà, ã à wɛpèwà à mè: ¹⁰ Ibiisi néo do! Maa pii ibee! Gbēnazin vāi pii paemade! Wɛzēn pāsī! Nyɔ Dii zé sūsu kpaanlaboa too lé? ¹¹ Tiasa Dii a ɔkulema, ní vîakū. Nyɔ gɔɔplake nýɔ íatě eo. Wegɔ Elima wé gò dàadāa, gusia kùlewà. Ǿ àle ɔmalemale, àle gbé weele aà a ɔ kú. ¹² Ké gbězɔpi yá pò kèpi è, à Dii náaikè, asa aà yá pò wa dàè aà kù gbāa.

Kua Antiosi pò kú Pisidi bùsuu

¹³ Ǿ Pɔlu gè gó'ilenau ní a gbéɔ, aa bò Pafosi aa gè Pɛɛga, Pāmfilì bùsuu. We Zāa Maaku ní tóu, à èa tà Yelusaleũ. ¹⁴ Bɔa Pɛɛga aa gè Antiosi pò kú Pisidi bùsuu. Kámabogɔɔzì aa gè zòle lousisikpeu. ¹⁵ Moizi ikoyā ní ãnabiáo láo kyokɛa gbɛa lousisikpe gbězɔɔ gbé zì wà oné, tó aa káfia yāe vî aa o bílae, aa o. ¹⁶ Ǿ Pɔlu fèle ɔkèné à mè: Isailiɔ ní buipále lousisinao à ma yāma. ¹⁷ Isailiɔ Lua wá deziɔ sè, ã à ní bui kò an kua Egipi bùsuu. Ǿ à ní bóle we ní a gbāa zɔɔ.* ¹⁸ A ní gwá guwaiwaiu wè bla taawa.† ¹⁹ A gbāamò Kanaa bùsu bui mèn soplaɔne, ã à ní bùsupi kpámá.‡ ²⁰ Apii kà wè òaa pla ní blakwio taawa. Bee gbɛa à dɔaanao dilené e à gè pèò ãnabi Samueliwa. §

* **13:17** Bɔa 1.7, 12.51 † **13:18** Nao 14.34 ‡ **13:19** Iko 7.1, Yoz 14.1 § **13:20** 1Sam 3.20-21, 10.21-24

21 Ké aa kía gbèa, ò Lua Kisi né Saulu, Bēyāmeε bui dīlené.* A kpalablè wè bla, 22 ò Lua aà bò kpalau, à Davidi kpà aà gbεu. Lua Davidi yā'ò à mè, á è Yese né Davidi làasoo doũanɔ, a a pœã pii keε.† 23 Aà bui guu à Yesu bòu Isailiɔne Suabana ũ, lá à a legbèwa. 24 E Yesupi àò gé mói Zāa dōaa waasokè Isailiɔne pii, a òné aa nòselile aa da'ileke.‡ 25 Ké Zāa zī ye láai à mè: Dé ále e má de a ũi? Gbé pò á wé dɔin ma ũo. A ma! Ale mó ma gbεa, mi ka mà aà sabala bɔbɔèo. §

26 Ma gbéɔ, Ablahaũ buiɔ ní buipāle lousisinaɔ, wámε Lua suabayāε bee kpāsāwēε. 27 Yelusaleũdeɔ ní ní gbāadeɔ aai Yesu dōo, aai ānabiɔ lá pò wɔ a kyoke kāmabogɔɔzī pii zé dōo, ò aa ānabipiɔ yá pāpa, aa yādāaala. 28 Aai yāe ewà à kà wà aà deo, ò aa gbèa Pilatiwa wà aà de.* 29 Ké aa yá pò wa kè aà yá musu kè pii, wà aà bùa líwa wà aà dà mia'eu.† 30 Lua aà bò gau. 31 A gɔɔ dasi ké à bò m̀ gbé pò aa bò Galile aa gèaànɔ Yelusaleũɔwa.‡ Aamε aà seeladeɔ ũ gbéɔne. 32 Wápiɔ sɔ, ò wa m̀ aà baokpaié. Lé pò Lua gbè wá deziɔne, 33 a kè wá gbé pò wá de an buiɔ ũɔne, à Yesu vù lá wa ò Sou plaade guuwa. Lua mè: Ma nén n ũ, n Maen ma ũ gbā. §

34 Lá a yaikεo, mé Lua a aà bɔ gau, a yá ò Luapi ò yāa à mè:

Má báaa seasai pò ma a legbè Davidiε daágu.*

35 ɔ wa ò guei bɔ:

* 13:21 1Sam 8.5 † 13:22 1Sam 13.14, 16.12-13 ‡ 13:24 Luk 3.3 § 13:25 Zāa 1.20, Mat 3.11 * 13:28 Luk 23.1-23 † 13:29 Luk 23.50-56 ‡ 13:31 Zīn 1.3 § 13:33 Sou 2.7 * 13:34 Isa 55.3

Nyõ wei n gbé pò a kua adoa yaikεo.†

36 Davidipi sõ à Lua pœã kè a gɔɔ. Ké à gà, wà aà mia kpàkõí n a deziɔ, ã à yaikè. 37 Gbé pò Lua aà vùpi sõ i yaikεo. 38 Ma gbé, àɔ dõ ké duunakẽama waaso pò wále keé kú aà kíie. 39 Mɔizi ikoyã lí fõ tò yá bɔ́nɔ nao, ãma gbé pò aale Yesu náaikεo, yápii i bɔ́nɔ na. 40 A laaika ké yá pò ãnabiɔ ò su á leo 41 aa mè:

A ma, á gbé awiambɔnao,
à gilike, í sãale,
asa má yãe ke á gɔɔ,
baa tó wa dau lé siué, á sio.‡

42 Ké Pɔlu n Baanabao lé bɔle lousisikpɛu, wà wabikémá aa εa mɔ yápi oné kámabogɔɔ sãa lɔ. 43 Ké wále fáaa Yudaɔ n gbé pò ì lousisiñnɔɔ bò te Pɔlu n Baanabaozi dasi. Aa yã'òné, aale ledamá aao gé ae n gbẽke pò Lua kèñnɔɔ.

44 Kámabogɔɔ sãa wéledeɔ kãaa pii Dii yãmaa yái. 45 Ké Yudaɔ bílapi è, à kèné íi maamaa, ã aale Pɔlu yá bèebo, aale aà sɔsɔ. 46 ɔ Pɔlu n Baanabao yã'òné viasai aa mè: Amε à kù wà Lua yã'óé gia. Lá a gi, ále e i ka à wēni láasai eo, wá εa aedɔ buipáleɔwae sa. 47 Asa Dii yáε bee dílewẽεε à mè: Ma n dile gupua ũ buipáleɔne, ké n gé n suabayão e tɔɔle léwa.§

48 Ké buipáleɔ yápi mà, an pɔ kèna, aa Dii yá sã síana ũ, ã gbé pò Lua n díle wēni láasai pò ũ Yesu náaikè.

49 ɔ Dii yá lí bùsupia pii. 50 Yudaɔ ɔzò buipále nɔε lousisin gbiaɔ n wéle gbãadeɔzi, ã aa íadà Pɔlu

† 13:35 Sou 16.10 ‡ 13:41 Abk 1.5 § 13:47 Isa 49.6

ní Baanabaowa, aa ní yá ní bùsuu. ⁵¹ Aa kòolè má ní tàae seela ù,* ò aa gè Ikòniu. ⁵² Yesudeo sò, póna ní Lua Nisinao pèemá.

14

Pòlu ní Baanabao kua Ikòniu ní Lisitao

¹ Aa kè Ikòniu lá aaí kewa, aa gè Yudaò lousisikpèu aa yá'ò e Yudaò ní buipáleò Dii náaikè dasidasi. ² Ǿ Yuda pò aa gí yápi siò buipáleò swáfè Yesudeoné, aa íisèrínò. ³ N beeo Pòlu ní Baanabao gòoplakè we, aa yá'ò v́iasai daa Dii gàu, ò Dii ní gbá zé an yábònsaekèao ní ní dabudabukèao a gbèke yá pò aale oné síanapiliwàné. ⁴ Ǿ wéledeò kòkpaalè, gbèeò zè ní Yudaò, gbèeò ní zínaò. ⁵ Ǿ Yudaò ní buipáleò ní ní gbàadeò zèd wà íadamá wà ní pápa ní gbèo. ⁶ Ké Pòlu ní Baanabao ní yá dò, ò aa bàasi tà Likaoni bùsu wéleòu, Lisita ní Dèbeo ní a zòewiaò. ⁷ Ǿ aa gí lé baonapi kpáné we.

⁸ Gòee ku Lisita, aà gbáò imia. Zaa wà aà ì, a de ee ùe, i taa'oo. ⁹ Ale swákpa Pòlu yáí, ò Pòlu wèpèwà soee, a è aà Yesu náaikèa kà à aà gbágbá, ¹⁰ ò a dè ní ló gbáao: Fèlè zè n gbáwa. Ǿ à v́ zè, à bò ní táo. ¹¹ Ké bíla è lá Pòlu kè, ò aa kàaa wiiwa ní Likaoni yáo aa mè: Táao lí gbènazinaò ù aa pílawa. ¹² Aa tókpa Baanabae Zupitee, Pòlu sò Mèekiù,* ké òme ì dɔaa ní yá'oao yáí. ¹³ Zupiteepi kpé kú wénkpè, ò aà gbàgbana mò ní zuswana pò à lávu zàblémáò wéle bíibòleu. A ye dasi sa'o zínaòwa. ¹⁴ Ké Baanaba ní Pòluo yápi mà, aa ní ulaò ga kèkè, ò aa sí dasi

* **13:51** Luk 9.5, 10.11 * **14:12** An táao tón we.

guu ní wiio ¹⁵ aa m̀̀: Gb́́, b́́yáí ále ke beewai? Gb́́nazínaon wá ũ s̄ lááwa. Baona wále kpáé, ké à kpe lí ṕ́o gianae beeone, í ze ní Lua b́́é. Ome musu k̀̀ ní tooleo ní ísiao ní ṕ́o ṕ́o kúuo píi.† ¹⁶ A bui píi tò yāa, aa nízia zé s̀̀. ¹⁷ N beeo à azia òlóné maakea guu. I to lou maé à p̀́keke a gowa. I á gba ble àò ku pona guu. ¹⁸ Baa ní yá bee oao, d̄́e ní d̄́eo ò aa ḡ́ gb́́one aa sa'omá.

¹⁹ O Yudaò b̀̀ Antiosi ní Ikoniuo aa mò wà bíla swáf̄́. O aa Polu pápa ní gb̄́eo aa aà ḡ́ale b̀̀ò w̄́enkpe, aale e à ḡ́ale. ²⁰ Ké Yesudeò k̄́aaaazi, ò à f̄́le ḡ́é w̄́éle guu. Ké a gu d̀̀, aàpi ní Baanabao aa g̀̀ Debe.

Zinao taa Antiosi

²¹ Ké aa baonakp̄́ané w̄́élepi guu, aa gb́́o è dasi. O aa èa g̀̀ Lisita ní Ikoniuo ní Antioso, ²² aale Yesudeò gba gb̄́aa, aale ledamá aa wet̄́a Yesu náaik̄́awa aa m̀̀: Sema wà taasike maamaa, wí gbas̄́a ḡ́ kpala ṕ́o b̀̀ Lua kíi guu. ²³ Aa gb̄́ez̄́oò d̄́ilené w̄́éle ní w̄́leo, ò aa wabik̄́ené ní l̄́yeo, aa ní ná Dii ṕ́o aa aà náaik̄́èè ozi.

²⁴ Ké aa p̄́a Pisidi b̀̀sua, aa k̄́a P̄́mfil̄́i b̀̀suu. ²⁵ Aa Lua ȳ́'ò P̄́ega, ò aa g̀̀ Atali. ²⁶ We aa g̀̀ gó'ilenau aa tà Antiosi, gu ṕ́o wà ní náu Luae a ozi yāa aà gb̄́ek̄́ek̄́ené z̄́i ṕ́o aa k̀̀ aa làa tia yá musu. ²⁷ Ké aa k̄́a, aa Yesudeò k̄́aa aa yá ṕ́o Lua k̄́ené òné píi, lá à buip̄́aleò gb̄́a zé aa a náaik̄́è. ²⁸ O aa gowplak̄́èr̄́no we.

15

Lekpaata Yelusaleu

† 14:15 B̄́a 20.11, Soū 146.6

1 Gbēo bò Yude aa mò Antiosi, ò aa yāda Yesudeone aa mē: Tó i tōzō lá Mōizi dīlewao,* á zia'eo. 2 Pòlu ní Baanabao zoadómá aa lekpaakèrino maamaa yápi musu. 3 Yesudeo zèd Pòlu ní Baanabao ní ní gbēo gé Yelusaleū yápi gógōi ní zinao ní gbēzōo. 4 Aa gè zèné, ò aa pà Fenisi ní Samalio būsua. Aa buipáleo nòselilea yá dàu a sīu ní gbēone we, ò an pò kèna zōo. 5 Ké aa kà Yelusaleū, Yesudeo ní zinao ní gbēzōo gbāakpàñzi, ò aa yá pò Lua kèné píi baokpàné. 6 7 Falisi Yesudeo fēle mē: Sema buipáleo tōzō, wi oné aao Mōizi ikoyā kūa. 7 8 Zinao ní gbēzōo kō kàaa, aale yápi gwa. 9 Ké lekpaafia gbāakū, Piē fēle zè a òné: Ma gbēo, á dō ké Lua ma dile á guu à gēgē, ké buipáleo Yesu bao ma ma léu, aai aà náaike. 10 Lua dee gbépii nòse dō, ò à ní gbá a Nisina a siaño seela ũ,† lá à wá gbáwa. 11 Lua i ní dile dodoa ní wápio. A ní nòse pìpiné, ké aa Yesu náaikè yái. 12 Bóyāi ále Lua wei tiai? Aso pò wá deziò fua séi ní wápio ò á ye dinéa? 13 Maa no! Wá a náai ví ké wá bō Dii Yesu gbēke yáie, lá ampiowa sō.

14 Gbēo kè kílíkili píi, ò aa swākpà Baanaba ní Pòluozi, aale seelao ní dabudabu pò Lua kèné buipáleo guuo o. 15 Ké aa yā'ò aa làa, Zaaki fēle yāsè à mē: Ma gbēo, à ma yāma. 16 Simoò ò lá Lua dōaa buipáleo wegwà, ò à gbēo sè ní guu a pò ũ. 17 Anabio yá kōsè ní beeo, asa aa mē:

18 Bee gbēa má ea mō Davidi bezi bo,
mí a gufooo kēkē tata lo,

19 ké buipáleo ma kíi wēle,

* 15:1 Lev 12.3 † 15:8 Zin 11.15-18

gbé pò ma ní sisi ma ní sépio píi.

¹⁸ Dii pò lé yápi ke mé ò,

a tò wa yápi d̄s za káau.‡

¹⁹ Ayāmeto má è a maa wà yá zī'ū dile buipāle pò aa zè ní Luaooneo. ²⁰ Wà lákēné aa mikē pò pò gbālè táa kíiwa ní gbāsíkēao ní nòò kòlokpassaio ní kpàao. §

²¹ Asa à gègè wìò Mòizi lá kyokē lousisikpēo guu kámabogōzī píi, wìò aà yá waasokē wéle ní wéleo.

Zinao gbé zia buipale Yesudeowa

²² ¶ zinao ní gbēzōō ní Yesudeo píi zèò wà gbéó sé ní guu, wà ní zī Antioši ní Pòluo ní Baanabao. ¶ aa ní d̄aanaeo sè, Yuda pò wì mèè Baasaba ní Silivēeo.

²³ Wà taala d̄iné, yá pò wa kè a guu mè: Wá zinao ní gbēzōō wa f̄kpà wá gbé pò aa de buipāleo ū Antioši ní Sili bùsuo ní Silisi bùsuoowa. ²⁴ Wá mà wá gbēeo gè á kíi aa á n̄sè òòkpàé, aa á dá bíliu ní yā'oa guu.

Wá lé kú a guuo, ²⁵ ò wa ledoukè wa zèò ké wà gbéó se wà ní zīwá ní wá gbé yenzideo Baanaba ní Pòlu

²⁶ pò aa gī ní wēnii wá Dii Yesu Kilisi tob̄oa yáio.

²⁷ Ayāmeto wále Yuda ní Silivēeo zīwá, aa yá pò wá kè láu oé ní léo. ²⁸ Asa Lua Nisina ní wápio wa zèò wà asoe diéo, sema a pò zēv̄le beeo. ²⁹ A mikē nòò pò wà sa'òò táawa soawa ní kpàao ní nòò kòlokpassaio ní gbāsíkēao. A maa à mikē beeoowa. Wà k̄'e aafia!

³⁰ ¶ wà ní gbáe, aa gè Antioši. Aa Yesudeo kàaa píi, ò aa lápi kpámá. ³¹ Ké aa a kyokè, ò an pò kèna maamaa ní n̄sè níniyāpio. ³² Yuda ní Silivēeoá ānabione, ò aa ledà ní gbépioowa maamaa, aa ní gbá

‡ 15:18 Am̄o 9.11-12 § 15:20 B̄oa 34.15-17, Lev 18.6-23, 17.10-16

gbāa. ³³ Ké aa gɔɔplakè we, Yesudeo lezámá, ɔ̃ aa tà ní zinao kǐi aafia. ³⁴⁻³⁵ Pɔlu ní Baanabao gɔ̃ Antiõsi. N gbé̃ dasi pǎleɔ̃ aa Dii yǎdàné aa baonakpàné.

Pɔlu wé̃legɛa gɛ̃n plaade

³⁶ Gɔɔpla gbɛa Pɔlu ò Baanabae: Wà ɛa gé Yesudeo gwai wé̃le pɔ̃ wa Dii yǎ waasokèu yǎaɔ guu, wíɔ dɔ̃ lá aa de. ³⁷ Baanaba ye Zǎa Maaku se aà gérínɔ̃, ³⁸ ɔ̃ Pɔlu lé e a maa wà gbé̃ pɔ̃ kɛ̃má Pámfili, i térizi ní zǐ guuo se bo.* ³⁹ Aai makɔ̃eo, ɔ̃ aa kèkɔ̃wa. Baanaba Maaku sè aa gè̃ gó̃ilenau aa gè̃ Sipi. ⁴⁰ ɔ̃ Pɔlu Silivɛɛ sè. Yesudeo ní ná Dii e ɔ̃zǐ aà gbè̃kɛkɛné, ɔ̃ aa dàzeu. ⁴¹ Aa pǎ Sili ní Silisiola, aa Yesudeo gbà gbāa.

16

Timɔtee gɛa ní Pɔluo ní Silivɛɛo

¹ Pɔlu kà Dɛɛbe ní Lisitao. Wekii Yesudee ku wǐ mɛɛ Timɔtee. Aà daá Yuda Yesudee, mé aà maeá Gɛlekiɛ. ² Yesude pɔ̃ aa ku Lisita ní Ikɔ̃niuoɔ aà tɔnasì. ³ Pɔlu ye aà gɛaɔ̃, ɔ̃ à tɔzɔ̃è Yuda pɔ̃ kú wé̃lepɔ̃ guuo yǎi, asa amp̃ii aa dɔ̃ ké aà maeá Gɛlekiɛ. ⁴ Wé̃le pɔ̃ aa gèu pii, aa yǎ pɔ̃ zinao ní gbè̃zɔ̃ɔ̃ dǐle Yelusaleũ ò Yesudeɔ̃ne aao kǐa. ⁵ ɔ̃ aale gbǎakū ní Yesu náaika guu, aale dasikū lá gu lé dɔ̃.

Pɔlu gɛa Masedoni bɔ̃suu

⁶ Lua Nisina gíné aa gé Lua yǎ'oi Azi bɔ̃suu, ɔ̃ aa pǎ Filizi ní Galatio bɔ̃suɔ̃la. ⁷ Ké aa kà Misi bɔ̃su zɔ̃leu, aa yɔ̃wà wà gɛ̃ Bitini bɔ̃suu, ɔ̃ Yesu Nisina i weinéo. ⁸ Ké aa Misi bɔ̃su baa ṽi, ɔ̃ aa kà Toloasi. ⁹ Gwǎasina Pɔlu Masedoni bɔ̃su gbè̃e è zɛaala iu,

* 15:38 Zin 13.13

àle awakpaè à mè: Buawá Masedoni, dɔwále. ¹⁰ Ké a è iu màa, ɔ wa Masedoni sɔukè gɔ̀ɔ, asa wá dɔ̀ sa, ké Lua mé lé wá sisi wà ge baonakpané.

¹¹ ɔ wa gẽ gó'ilenau Toloasi, wa mipè Samɔtasiwa. Ké a gu dɔ̀ wa ka Neapoli. ¹² Bɔa we wa ge Filipi, Masedoni bɔ̀su saalopi mɛɛwia pɔ̀ Lomadeɔ vɪ, ɔ wa gɔ̀ɔplakè wélepiu. ¹³ Kámabogɔ̀ɔzi wa bɔ̀ wénkpe, wa ge swa sae, gu pɔ̀ wále e wɪ lousisiu. ɔ wa zɔ̀le wa yá'ò nɔe pɔ̀ kãaaa weɔne. ¹⁴ Nɔe ku we, wɪ mè Lidia. Tiatii gbé zwàa tɛa yĩanae, mé lousisinae. Ale yá pɔ̀ Pɔlu lé o ma, ɔ Dii àà sɔ̀ wèè, à yápi si. ¹⁵ A da'ilékè ní a bedeo, ɔ à wabikèwá à mè: Tó a ma Dii náaika siɛ, à mɔ̀ pila ma be. ɔ wa àà yáze èe.

Pɔlu ní Silivɛeo daakpeu Filipi

¹⁶ Ziewa ké wále gé wabikekii, wa kpaaũ ní zɔ̀nɔe pɔ̀ táa mlɛ vɪo. Àà diiɔ i ɔa e maamaa àà àsi'oané yá musu. ¹⁷ ɔ à bɔ̀ téwázi, wápiɔ ní Pɔluo, àle wiile à mè: Gbé beɔ́á Lua Musude zɔ̀blenaɔne, aale suabaze kpàwakéé. ¹⁸ Iɔ ke màa lá gu lé dɔ̀, ɔ yápi Pɔlu wá. A líli ò táapiɛ: Má òne ní Yesu Kilisi tóo, go nɔepiwa. ɔ à gòwà gɔ̀ɔ.

¹⁹ Ké àà diiɔ è ài'ea àà yá musu tãmaa ní né, ɔ aa Pɔlu ní Silivɛeo kũ aa ní gále gèrɪnɔ gbãadeɔ kii gãae. ²⁰ Aa gèrɪnɔ yákpalekenao kii aa mè: Gbé beɔ́á Yudaɔne, mé aale wá wéle ɔ̀ɔkpa. ²¹ Felekaayã pɔ̀ wá Lomadeɔ ikoyã gi wà si ge wà ke ɔ̀ aale dané. ²² Gbéɔ̀ fɛleɪnɔ dasi, ɔ yákpalekenapiɔ̀ mè wà ní ulao wolomá, wà ní gbɛ ní goo. ²³ Ké wà gbɛa gbãa kèné, ɔ wà ní dá kpéu, wa ò kpépi dɔ̀anae àà ní dɔ̀a maamaa.

24 Ké wa òè màa, ɔ à ní dá kpépi guonau, à ní gbáo dàliu gíúgiú.

25 Wεedo taawa Pɔlu ní Silivεεo lé wabike Luawa, aale àà táasile, mé dakpeunao lé swákpa ní yáí.

26 Kándo tɔɔle lùalua ní gbāao e kpépi gíɔ dèe. Wegɔɔ a gbaɔ wèwè pii, ɔ dakpeunao mɔdaonao pòlomá pii. 27 Ké kpedɔana vù, à gbaɔ è wèwèa pii, ɔ à a fènda wò, a ye azia de, asa àle e dakpeunao bàasiε. 28 ɔ Pɔlu pùna ní lɔɔ gbāao à mè: Nsu íakpa nziaio. Wá kú la wápii. 29 Kpedɔanapi mè wà mó ní filiao, ɔ à sínzí ní bao à kùle Pɔlu ní Silivεεo ae, àle kpakpanaga. 30 A bòrínɔ bàasi, ɔ à mè: Maeɔ, kpelewa má ke mà zia'ei? 31 Aa òè: Dii Yesu náaike, níyɔ zia e, mpi ní n bedeo pii. 32 ɔ aa Dii yá'òè ní a be gbéɔ pii. 33 Wεedo bee, kpedɔanapi ní sé à gè ní gu'iao pìpiné, ɔ à da'ilekè gòɔ ní a gbéɔ mípii. 34 ɔ à gèrínɔ a be à blékèné. Aàpi ní a bedeo an pɔ kèna maamaa, ké aa Lua náaikè yáí.

35 Ké gu dò, yákpalekenao dɔaio zì aa ge o wà gbépiɔ gbaε. 36 ɔ kpedɔanapi ò Pɔluc: Yákpalekenao gbéɔ zìà mà á gbaε. A bɔle, í á taanankε. 37 ɔ Pɔlu ò dɔaipiɔne: Aa wá gbé bíla wáa yákpalekeawano sai, aa wá dá kpéu, wá gbé pɔ Lomadeɔn wá ũ. Tiasa ɔ aa ye wá bɔle asii guua? O'o! A ke màao. Sema aa mɔ wá bɔle nízia. 38 Dɔaipiɔ yápi sèle ò yákpalekenao. Ké aa mà Lomadeɔn ní ũ, ɔ vía ní kú. 39 ɔ aa mò awakpáné aa ní bɔle kpéu, ɔ aa wabikémá aa bɔné ní wéleu. 40 Ké aa bɔle kpéu, aa gè Lidi be. Aa Yesudeɔ lè we, ɔ aa ní nòse níniné aa gèzεa.

17

Pɔlu kua Tesaloni

¹ Aa bɔ̀le n̄ Amfipɔlio n̄ Apolonio, ɔ̄ aa kà Tesaloni, gu pɔ́ Yudaɔ lousisikpe kúu. ² ɔ̄ Pɔlu gè̀ lousisikpeu lá ɔ̄ kewa, à waasokèné yá pɔ́ kēa Luayátaalau musu kámabogɔɔ là aaɔ. ³ Ale a bɔ̀lekèné lá à kù Mesi taasike, i bɔ́ gau, à m̀: Yesu pɔ́ mále aà yá'óé mé Mesiipi ũ. ⁴ An gbèeɔ yápi zé è, ɔ̄ aa nà Pɔlu n̄ Silivèeowa. Maa Geleki lousisin dasiɔ nàmá sɔ́ n̄ nɔe tɔde bílaɔ ɔ̄.

⁵ ɔ̄ Yudaɔ ñisèrínɔ, aa bèbempádeɔ káaa aa dasikù, ɔ̄ aa wéle lòo. Aa gè̀ l̄a Zasɔ̀ bei, aale Pɔlu n̄ Silivèeoweele n̄ kù bɔ́rínɔ balu guu. ⁶ Ké aai n̄ eo, aa Zasɔ̀ n̄ Yesude páleɔ gale b̀rínɔ wéle gbāadeɔ k̄ii, aale wiile: Gbèpiá dúniadenáɔne. Aa m̀ la, ⁷ ɔ̄ Zasɔ̀ n̄ díle a be. Gbèpió lé pã Sezaa ikoa mípii, aai me kía pále ku w̄i me Yesu. ⁸ Yápi zè bíla n̄ wéle gbāadeɔ pɔwa. ⁹ ɔ̄ aa ɔ̄asi Zasɔ̀ n̄ gbé k̄iniɔwa aa n̄ gbáe.

Pɔlu kua Belee

¹⁰ Gwāasina bee ḡɔ́ Yesudeɔ Pɔlu n̄ Silivèeoweele gbàe Belee. Ké aa kà we, ɔ̄ aa gè̀ Yudaɔ lousisikpeu. ¹¹ Gbé beee ǹse maa de Tesalonideɔla, aa Lua yá s̄i ɔ̄plapla. Lá gu lé dɔ́ aaɔ wéte Luayáतालai, ké aa e d̄ó tó Pɔlu yápiɔ s̄iana ví. ¹² An gbé pɔ́ Dii náaikéɔ dasi n̄ Geleki nɔe gbiaɔ n̄ Geleki ḡɔ́eɔ dasidasi ɔ̄. ¹³ Ké Tesaloni Yudaɔ mà Pɔlu lé Lua yá waasoke Belee ɔ̄, ɔ̄ aa m̀ we, aa yákele dà aa bíla pɔ́ fèle. ¹⁴ ɔ̄ Yesudeɔ Pɔlu gbàe ḡɔ́ ɔ̄isia oi, āma Silivèe n̄ Timoteeo ḡɔ́ we. ¹⁵ Gbé pɔ́ gè z̄ei Pɔluɔ gèaàno Ateni, ɔ̄ aa èa tà

Silivɛɛ ní Timoteeowa ní Pɔlu legbeo, à mè aa mo a le kpakpa.

Pɔlu kua Ateni

¹⁶ Ké Pɔlu lé ní dá Ateni, àà ká fɛle sɪ, ké a è t́aa di wélepiu yáí. ¹⁷ Ǿ à waasokè Yudaone ní buipale lousisinao lousisikpeu ní gbé pɔ ɪo ní le elɛu lá gu lé doo. ¹⁸ Pɔlu lé yábobo kɔ léu ní yáwaaipana pɔ wí mené Epikulio ní Sitoisio. Ǿ an gbɛeo mè: Bó yá dàobānapi lé bolei? Gbɛeo mè: Wále e t́aa dafu yá kpàwa àle ke. Aa ò màa ke àle Yesu yá ní aà boa gau yáo baokpané yáíe. ¹⁹ Ǿ aa Pɔlu sè gèd gbɛzɔɔ kíi Aleopaga aa mè: Nyɔ yá dafu pɔ ni dané owɛeo lé? ²⁰ Wa yábonsae màma, wá ye a boole dɔ. ²¹ Atenideo píi ní nibo pɔ kú weo, aalio ye yápaleio, sema yá dafu maa ní a wáaipaaò bàasio.

²² Ǿ Pɔlu fɛle zè Aleopagadepio guu à mè: Atenideo, má è á misiilea t́aaone ãia ví maamaa yápii guu. ²³ Ké má be á wéleu, mále pɔ pɔ i kúlenéo t́asika, ɔ ma sa'okíie è, wà lakèwà wà mè: Lua pɔ wá dɔo pɔ. Lua pɔ á aà dɔo mé ále misiileè, aà bao mále kpáé. ²⁴ Lua dúnia kè ní pɔ pɔ kú a guuo píi. A de musu ní tooleo Dii ũ, ilio ku kpé pɔ gbɛnazinao dèeo guuo.* ²⁵ Aà bàa kú ní gbɛnazina donleoo. Aàpi mé ì wēni ní nisinao ní pɔpiio kpa gbépiiwa.† ²⁶ A bui píi bò gbé mendo kíie, ɔ aa ku dúnia gola síiɔ píiu. A d̀baa gɔd̀iledile bui píie ní gu pɔ aao kuu léo. ²⁷ A ní ké ké aao a wele aa omalemale e aa ge bowa. Baa ní beeo a zà ní wá gbɛeo. ²⁸ Asa aàpi mé ì to wàò wēni ví, wíò ku, wí fɔ wá wá me sé. Lá á lakènaeo ò aa mè:

* **17:24** 1Kia 8.27 † **17:25** Isa 42.5

Wá de aà buio ũ s̄. ²⁹ Lá Lua buioŋ wá ũ, wásu wàò e a de lán tãa pò gbēnazina kè ní vuao ní ánusuo ní gbεo à gōinakèwà lá a yeiwawao. ³⁰ Lua wεkpà a v̄i wá wésiagoo yála, ã àle lēda gbēowa gupiiu tia aa nòselilē. ³¹ Asa à gōd̄ilē, ké gbē pò á sè a yákpaleke ní dúniao a zéwa. Lua gbē pò a sèpi bò gau, ké gbépii e d̄s̄.

³² Ké aa b̄oa gau yápi mà, an gbēeo aà láanikè, āma an gbēeo m̄è: Wá n yápi ma z̄iewa lo. ³³ P̄olu b̄ò ní k̄i. ³⁴ Gbēeo nàwà aa Yesu náaikè. Aleopaga gbēz̄oo do pò w̄i m̄e Denisi kú ní guu ní n̄oe pò w̄i m̄e Damalio ní gbēeo lo.

18

P̄olu gōoplakea Koleni

¹ Bee gb̄ea P̄olu b̄ò Ateni à gè Koleni. ² A kp̄aaũ ní Yudaεo we, P̄ontu bùsu gbē pò w̄i m̄e Akilasi ní a na Pisiio. Aa s̄u ní Itali bùsuo dafu, ké Sezaa Kolodi d̄ilē Yudaone aa b̄ole Loma yái. P̄olu gè ní k̄i, ³ ã à p̄ilamá, àle z̄ik̄eŋ̄o, ké ōz̄idoũkenaoŋ ní ũ yái. Asa zw̄aakpek̄enaŋ ní ũ n̄pii. ⁴ Kámabogooz̄i pii i waasok̄e lousisikp̄eu, àle w̄eεle Yudaŋ ní Gelekio a yáze e.

⁵ Ké Siliv̄εε ní Timoteeo b̄ò Masedoni bùsuo aa kà, P̄olu z̄è ní waasok̄eao, àle o Yudaone wásawasa Yesu mé Mesii ũ. ⁶ Ké Yudaŋ íis̄eaaŋ aa aà s̄s̄s̄, ã à a p̄okasaŋ kp̄oer̄ila à m̄è: Yá pò á kè wí á musu, ma yán lo. Za tia má gé buip̄ale k̄iε. ⁷ B̄oa we à gè p̄ila buip̄ale lousisina pò w̄i m̄e Titiu Yusitu b̄e lousisikp̄epi saε. ⁸ Lousisikp̄e gbēz̄oo Kilisipu Dii náaikè ní a b̄edeŋ pii. Kolenideŋ P̄olu yāmà dasi, ã aa

Yesu náaikè aa da'ilékè. ⁹ Gwāasina Dii ò Pòluε iu à mè: Nsu to vía n kũo, r̄isu kámabo n̄ yā'oanéoo, ¹⁰ asa gbé p̄o de ma p̄o ũ wéleε bee guuo dasi. Má kunn̄o, gbēe a n kũ à ìadamao. ¹¹ Ǿ Pòlu wè do n̄ m̄o sooloo kè we, ìo Lua yāda gbéone.

¹² Goo p̄o Loma gbé Galiō de Gelesi bùsu gbēzōo ũ, Yudaō ledoukè aa àna Pòluwa, aa gèaàno yákpalekekii ¹³ aa mè: Gbéε bee lé tékpa gbéogu aao lousisiyā p̄o p̄aa wá ikoyāla kūae. ¹⁴ Ké Pòlu ye yā'o, Ǿ Galiō ò Yudaone à mè: Yudaō, tó dāae ge taae zōoe yāa, à kũ mà menakeáno. ¹⁵ Lá ále yákeletā gbéo tó yá musu n̄ ázia ikoyāo, à ḡò á yá ũε. Ma gi yá bee taa ḡóḡiε. ¹⁶ Ǿ à n̄ yá n̄ b̄ole yákpalekekpeu. ¹⁷ Ǿ aa àna lousisikpe gbēzōo Soseniwa m̄pii, aa aà gbègbè yákpalekekpe kpele. Galiō i a yādao.

¹⁸ Pòlu gooplakè Koleni lo, Ǿ à lezà Yesudeowa à gè ḡó'ilenau, àle tá Sili bùsuu. Pisii n̄ Akilasio gèaàno. A mibò Sākele lé p̄o a kè Luawa yái.* ¹⁹ Ké aa kà Efese, Pòlu Pisii n̄ Akilasio tò we. A gè lousisikpeu à waasokè Yudaone, ²⁰ Ǿ aa wabikèwà aà gooplakeino. I weio, ²¹ āma ké àle lezamá à mè: Tó Lua wèi, má ea m̄o á gwai. Ǿ à b̄ò Efese n̄ ḡó'ilenao. ²² Ké à kà Sezale, à gè f̄okpà Yesudeowa Yelusaleū, Ǿ à tà Antiosi. ²³ Ké à gooplakè we, à èa dàzeu à gè wéle n̄ wéleo Galati bùsuu n̄ Filizi bùsuo, à Yesudeo gbà gbāa m̄pii.

Apoloo

²⁴ Yudae ku, aà tón Apoloo, Alesāndi gbéε. Aà lé na mé a Lua yá d̄o maamaa. ²⁵ Wà Dii zé yādàdàè,

* **18:18** Nao 6.18

õ Yesu yá'oané aà kãsi. I dadané a zéwa, áma Zãa gbéó da'ilekea õ a dõ. A mò Efese, ²⁶ õ à nà yá'oawa lousisikpeu viasai. Ké Pisii ní Akilasio aà yãmà, õ aa aà sîsi aa Lua zé bókèkèè wásawasa. ²⁷ Ké Apoloo ye gé Gelesi bùsuu, Yesudeo aà gbà sõ, õ aa lakẽ Yesude pó kú weone aa aà kũ oplapla. Ké à kà we, à òdà gbé pó Lua gbèkèkèné aa Yesu náaikèowa maamaa. ²⁸ Asa aà yá Yudaò wè dasi wáa máũmaũ, à òlóné Luayátaalau ké Yesu mé Mesii ũ.

19

Pòlu kua Efese

¹ Goo pó Apoloo ku Koleni, Pòlu Azi bùsu sîsio baa vî, õ à kà Efese. A Yesudeeò lè we, ² õ à ní lá à mè: Ké a Dii náaikè, aà Nisína díéa? Aa wèwà aa mè: Aawo, wi aà Nisína kua yãma seo. ³ Ő à ní lá à mè: Da'ile kpele á kèi? Aa wèwà aa mè: Zãa póe. ⁴ Ő Pòlu òné: Zãa gbéó da'ilekè an nòselileá seela ũe. A ò gbéone aa gbé pó a mɔ a kpe náaike.* Yesu àle o. ⁵ Ké aa yápi mà, aa da'ilekè ní Dii Yesu tóo. ⁶ Ké Pòlu onámá, Lua Nisína díné, õ aa yãebui'ò aa ãnabikèkè. ⁷ Gbépio pii kà lán gbèon kuépla taawa.

⁸ Pòlu Ìb gé lousisikpeu e mɔ àaõ. A yá'óné viasai, àle waasoke kpala pó b̀ Lua kíi yá musu, ké aa a yáze e. ⁹ Ama an gbèeò swágbãakè, aai Lua yá sio, õ aa zépi bèebò dasi guu. Ő Pòlu gbé pó Yesu náaikèò sèle aa b̀ ní guu. Ő Ìb waasoke gbéone Tilanu kyókpeu lá gu lé dɔ. ¹⁰ A kè màa e wè pla, õ Azi bùsudeò Dii yãmà, Yudaò ní Gelekio pii.

* **19:4** Luk 3.16

Seva nés

¹¹ Lua Pɔlu gbà zé à dabudabu bɔnsaεɔ kè.
¹² Beewa baa tó wà isimawaabɔɔ ge fùao nà Pɔlu mɛwa wà γε nà gyãεɔwa, aaɪ gbágbãε, an táao ì gẽzεa. ¹³ Yuda táagona pó aaɪ bebεεɔ wèele táa gò ní Dii Yesu tóo aa m̀è: Wá òé ní Yesu pó Pɔlu ì a yá waasokε tóo, à go. ¹⁴ Yudaɔ sa'onkia pó wɪ mε Seva nεgɔε gbẽɔn soplaɔ mé ì ke màa. ¹⁵ Ǿ táa òné: Má Yesu d̄s mé ma Pɔlu bao mà. Apio s̄o, dén á ùi? ¹⁶ Ǿ táadepi kùsimá à gbãam̀óné, à ní kwé píi à ní kekε'ia, ɔ aa bàalè b̀lε uapiu puizi. ¹⁷ Ké Efesedeɔ yápi mà, Yudaɔ ní Gelekiɔ píi, v̄ia ní kú, ɔ Dii Yesu tɔb̀ò maamaa. ¹⁸ Ǿ gbé pó aa Yesu náaik̀εò m̀ò dasi, aale ní yákeao o gupuau. ¹⁹ Gbẽk̀ɔlekεnaεɔ ní taalaɔ náaa m̀o k̀ateu bíla wáa. Ké wà lápiɔ ɔa d̀òd̀o, wa è à k̀a ánuusu ɔwat̄ε òaasɔsɔo lεε blakwi (50.000). ²⁰ Beewa ɔ Dii yá ìb̀ káfi, ìb̀ ɔta ní gbãao.

Zakaa Efese

²¹ Yá bee gbεa Pɔlu z̀èd̀ a ǹòse guu à b̀lε ní Masedoni bùsuo ní Gelesi bùsuo, ì gé Yelusaleũ, à m̀è: Tó ma γε we, sema mà gé Lomadeɔ gwai. ²² Ǿ à a d̀onlεde gbẽɔn plaεɔ Timɔtee ní Elasaɔ z̀ì Masedoni. Aàpi s̄o à g̀ò Azi bùsuo ḡia.

²³ Gɔɔ bee ɔ yákele f̄lε maamaa Dii zé yá musu. ²⁴ Anusupinae ku wɪ m̀εè Demetiu, ì Aatemi táakpe taa pí ní ánu suo. Aà z̀ikεnaɔ ì ài z̄ɔ e z̀ipiwa. ²⁵ Ǿ à ní k̄aaa ní gbé pó ì z̀ì bee taa keɔ, a òné: Gb̄é, á d̄s ké ɔz̄lε bee mé wá blek̄ii ũ. ²⁶ Alε e mé ále ma lá Pɔlupi lé ke, à m̀è: Táa pó wà ní píá luaɔ no. Ǿ à gbé dasi mi líaa, wà aà yáze è. I ke Efese la ado no, ní Azi bùsuo

píie. ²⁷ Yá bee a f̄s músi'iwēe. I ke wá ɔz̄i yāfūkūa ado no, a yá a to t̄aa nɔɛz̄ɔ Aatemi kpé ḡɔ pɔe ũo, t̄aa p̄ó Azi b̄usudeɔ n̄ d̄únia gb̄épiio ì kúlèèpi gawi a láae.

²⁸ Ké aa yápi mà, an p̄ɔ pà, ɔ aa nà wiiwa aa m̄è: Efesedeɔ Aatemi z̄ɔ. ²⁹ Wéle lòo, gb̄éɔ bàalè lé si k̄k̄āakek̄iū, ɔ wà Masedoni b̄usu gb̄ɛɔn pla Gaiusi n̄ Alisaka p̄ó aai ḡé w̄éleu n̄ P̄oluo k̄ù ḡèr̄n̄o. ³⁰ P̄olu ye ḡé z̄ā guu, ɔ Yesudeɔ i weièo. ³¹ Azi b̄usu gb̄ɛz̄ɔɔe de aà gb̄enaɔ ũ, ɔ aa gb̄éɔ z̄ì aa ledàwà asu ḡé z̄āuo. ³² K̄k̄āaa yà, wàle wiile, wàle k̄ɔ yāmao, asa gb̄é daside d̄ɔ b̄óyāi wà k̄āaaio. ³³ Yudaɔ ɔz̄ɔ Alesāndazi aà yā'o, ɔ b̄ila guu gb̄eeɔ lé ledɔdɔwà. Alesāndapi ɔk̄èné aa níle, a ye Yudaɔ mi b̄o b̄ila wáa. ³⁴ Ké wà aà d̄ò Yuda ũ, ɔ amp̄ii aa wiilè s̄anus̄anu m̄ò pla taawa aa m̄è: Efesedeɔ Aatemi z̄ɔ.

³⁵ ɔ w̄éle gb̄ɛz̄ɔ n̄ z̄ɔa z̄è à m̄è: Efesedeɔ, gb̄épii d̄ɔ ké á de t̄aa z̄ɔ Aatemi kpé d̄òana ũ n̄ luakim̄o p̄ó k̄ú weo. ³⁶ Lá gb̄ee a f̄s b̄o bee kp̄eo, à ázia k̄ú t̄ee. Asu yāe ke n̄ n̄onwāaoo. ³⁷ A m̄ó n̄ gb̄éɔ la, aai ɔk̄ā wá t̄aakpe p̄ewao, aai wá t̄aa t̄ɔb̄ēsio. ³⁸ Ayāmeto t̄ó Demetiu n̄ a z̄ikenaɔ yāví n̄ gb̄eeo, yákpalekeḡɔɔ k̄ú n̄ yākek̄enaɔ. Aa ḡé k̄ɔ gb̄ea we. ³⁹ Tó á yāp̄ale ví l̄o, wa ḡóḡé k̄k̄āaa p̄ó gb̄adeɔ gb̄ea guu. ⁴⁰ Asa wa f̄s wá t̄aae e z̄ɔa p̄ó k̄è gb̄āe bee musu. Wá yázede e o z̄ɔapi musuo, asa a gb̄á vío. ⁴¹ Yá bee oa gb̄ea ɔ à gb̄éɔ gb̄àe.

20

Etiki b̄āea f̄enentiū

1 Ké zɔa làa, Pɔlu Yesudeo kàaa à ní gba sɔ, à lezámá, ɔ à gè Masedoni. 2 Ké àle pã bùsupia, à gbéó gbà sɔ ní yáɔ dasi, ɔ à gè kàò Gelesi, 3 ɔ à mɔ àaɔ kè we. Ké àle gé gēi gó'ilenau à ta Sili bùsuu, a mà Yudaɔ lekpaafazi, ɔ à zèò à ea tá ní Masedonio. 4 Gbé pɔ gèaànoɔ tón ke: Belee gbé Pilusi né Sɔpatεε ní Tesaloni gbéó Alisaka ní Sekɔduo ní Dεεbe gbé Gaiusio ní Timoteo ní Azi bùsu gbéó Tisiki ní Tɔfiu. 5 Gbé beeɔ dàaa gè lé wá dá Toloasi. 6 Wápio sɔ, Kàaso dikpe gbεa wa gē gó'ilenau Filipi, ɔ gɔɔ sɔɔ gbεa wa ní lé Toloasi. We wa àsɔa do dèu.

7 Asɔanenzi wa kɔ kàaa wà Dii dɔngubo ble. Pɔlu lé waasokené, a ye ta tó gu dè, ɔ à dáyala e weedo. 8 Filia dasi kú kpé lesi pɔ wá kàaaaupiu. 9 Ewaasoe zɔlea fenentiu, wí mèè Etiki, àle igofampa. Ké Pɔlu waasokea kè gbàa, i aà lè, ɔ à bò za kpediakɔapi àaɔde fenentiu à lèlè, ɔ wà aà sè gè. 10 ɔ Pɔlu pila à kùsiwà, ɔ à aà se kpà a kùe à mè: Asu gilikeo, a béε. 11 Ké à èa dède musu, wa Dii dɔngubo blè. Pɔlu yá'ò maamaa e gu gè dòò, ɔ à dàzeu. 12 ɔ wà tà ní èwaasonapio béε, gbéó nòse nĩni a de beeaɔ.

13 Wápio sɔ wa ge gē gó'ilenau, wa dɔaa Pɔluε Aso, wéle pɔ wá aà se. Màa à zèò, asa a ye gé we kèseε. 14 Ké à wá lé Aso, ɔ wa aà sè wa ge Mitileni. 15 Ké a gu dò, wa bɔ we ní gó'ilenao, wa ge Kio. Gu sia dɔa wa ge Samɔ, a gɔɔ àaɔde ɔ wa ka Miletì. 16 Pɔlu zèò yāa à dɔ Efesezi, ké gɔɔ su gēwa Azi bùsuuo yái, asa àle wā à e ka Yelusaleū e Pāteko dikpe àò kaε, tó a zekè.

Pɔlu lezaa Efese gbēzɔɔwa

17 Polu gbéó zì gbězōōwa Efese, à mè aa mō Miletì.
 18 Ké aa kà, ò a òné: A dō lá mi ke gōó pó má kúánō za zì pó ma gbpèle Azi būsula. 19 Ma zikè Diie zìabusaa guu n̄ wé'io. Ma taasikè lé pó Yudaō kpàaimaziō yáì. 20 Mi káfia yāe ulééō, ma waasokèé, má dàdaé balu guu n̄ á beō. 21 Ma ledà Yudaōwa n̄ Gelekiō p̄ii aa ze n̄ Luao, aai wá Dii Yesu náaikē. 22 Tiasa mále gé Yelusaleū, lá Lua Nisina ma dauwa, yá pó a ma le we dōsai. 23 Wéle n̄ wéleo Lua Nisina lé omē, yea n̄ mōdaonao n̄ wétēao lé ma dá. 24 Ama ma wēni gbiamēe lo, sema mà yá pó mále yá le, mà zì pó Dii Yesu dàmeē ke mà a midē. Ōme Lua gbēke baokpaa gbéōne ũ.

25 A gbé pó ma bebe á guu, ma kpala pó bō Lua k̄ii waasokèéō, má dō tiasa ké wá wesikōle lo. 26 Ayāmeto má òé gbā, tó á gbēe su vūaa, ma yán bee ũ lo. 27 Ma Lua pōeā p̄ii òé, mi a kee ulééō. 28 A laaidō áziawa n̄ sã pó Lua Nisina á díle n̄ gbězōō ũō p̄ii. A Lua gálide pó à n̄ bó n̄ azia auopiō gwa. 29 Má dō ké ma taa gbea àwalewan pāsīō siágu, mé aa sãō wēna v̄io. 30 Baa á gbēeō fēle yá kolea dané, aa gbéō ga namá. 31 Ayāmeto à itēke. Lá ma ledà á baadewa n̄ wé'io gwāasina n̄ fāaneo e wē àaō kāmabosai, a yá àō dōágu.

32 Tiasa mále á na Luae a ozi n̄ a gbēkeyā pó a fō gbāa káfíéō, i á gba zé á baa àō daaa n̄ a gbéō p̄ii. 33 Mi gbēe ōa ge aà pōkasae nideō. 34 A dō áziawa, ké ma zikè n̄ mazia oē, ò ma pó pó wále a nide n̄ ma gbéō è. 35 Má òbó apii guu à zike beewa, í dō yēesaideōle. Yá pó Dii Yesu ò àō dōágu à mè, gbadaa pōna v̄i de gba'eala.

³⁶ Yá bee oa gbɛa à kùlɛ a kosowa ní ní baade píio, aa wabikè. ³⁷ Aa wé'íkàu mípii, aa Pɔlu kpákpa ní kùlɛ, aa lɛpèpɛwà. ³⁸ Yá pɔ ní pɔ siakù zɔɔ mé de ké à mè ní wé a sikɔlɛ lɔo ũ. Ɔ aa gè zɛiè e gó'ilɛna kíi.

21

Pɔlu taa Yelusaleŭ

¹ Wá kɛámá gbɛa wa gɛ gó'ilɛnau wa dazɛu, wa mipè Kosuwa. Gu sía dɔa wa ka Lode, ɔ bɔa we wa gɛ Patala. ² We wa gó'ilɛna pɔ lé gé Fenisi bùsuu èu, ɔ wa gɛu wa dazɛu. ³ Ké wa Sipi è káaa, wá gbà ɔzɛɛ, wá lɛ gé Sili bùsuu, ɔ wa ka Tii, gu pɔ wà gó'ilɛna aso b̀lɛu. ⁴ Wa Yesudeɔ wèlɛlɛ, ɔ wa ášɔa do kèr̀nɔ. An gbɛɔ ɔ Pɔluɛ ní Lua Nisína gbãao asu gé Yelusaleũo. ⁵ Ama kɛ gɔɔ beɔ lé pà, wa fɛlɛ, wá lɛ tá. Aa gè zɛi wɛɛ mípii ní ní naɔ ní ní néɔ wɛ́nkpe e ísiale. Ɔ wa kule wá kosowa wa wabikè. ⁶ Ké wa lezákɔwa, wa gɛ gó'ilɛnau. Ampio sɔ aa èa ní be.

⁷ Bɔa Tii wa ɛa dazɛu e wa ka Tɔlɛmai. Wa fɔkpà Yesudeɔwa wa kèr̀nɔ gɔɔ do. ⁸ Ké a gu d̀, wa fɛlɛ gɛ Sezale, wa gɛ pila baonakpana Filipi bɛ. A de gbɛɔn sɔpla pɔ wà ní sé yáaɔ do ũ.* ⁹ A nɛnɔɛ ánabiɔ ví gbɛɔn síiɔ, aai zàkɛ yáaɔ. ¹⁰ Wa gɔɔplakɛa we guu ánabi pɔ wí mɛè Agabu† b̀ Yude bùsuu à m̀. ¹¹ Ké à m̀ wá kíi, à Pɔlu ula ba sè à azía gbáɔ ní a ɔɔ yèò à m̀: Lá Lua Nisína òn kɛ: Gbé pɔ baɛ bee ví, màa Yudaɔ aa aà ye Yelusaleũ, aai aà kpa buipáleɔwa. ¹² Ké wa yápi mà, wá ní beleɔ wa awakpà Pɔluɛ asu gé Yelusaleũo. ¹³ Ɔ à m̀: Bóyái á lɛ ɔlɔ á lɛ ma ǹsɛ ò̀kpamɛɛi? Asu àò yea ũ seo. Baa tó ma ga

* 21:8 Zln 6.5 † 21:10 Zln 11.28

Yelusaleũ Dii Yesu tó yáí, ma sou mà. ¹⁴ Ké wi f5 wa aà fùò, wa kámabò wa mè: Dii pœã ke. ¹⁵ Bee gbœa wa soukè, 5 wa ge Yelusaleũ. ¹⁶ Yesude pò kú Sezaleo gè pilawanɔ Sipi gbé Manasɔ be. A de Yesude ũ za zi.

Pɔlu gea Zaaki gwai

¹⁷ Ké wa ka Yelusaleũ, Yesudeo wá sí ní pɔnao. ¹⁸ Ké a gu dò, Pɔlu gèwanɔ Zaaki be. Gbèzɔɔ kãaaa we nípii. ¹⁹ Pɔlu fɔkpámá, 5 à yá pò Lua kè a zí musu buipáleo guu dàu a sɔuné dodo píi. ²⁰ Ké aa yápi mà, aa Lua sáaukpà. ɔ aa òè: Yápi gwa, wá gbé. Yudaɔ Yesu náaikè òaasɔɔo lee ũma'ũma, mé ampíi aai kásike Mɔizi ikoyáwa. ²¹ Wà n yá'òné wà mè, níle yáda Yuda pò kú buipáleo guuɔne aa bɔ Mɔizi ikoyá kpe, aasu tɔzɔ ní néɔneɔ, aasu wàò ní felekaayáɔ kúao. ²² Wá kea ni? Asa aa gí n mɔa maio. ²³ Ke lá wá onewa. Wá guu gbèɔn síiɔeɔ lekè Luawa.‡ ²⁴ N ní sé à ge gbãbɔ áziae, ní ní fiabo aa e mibo, gbépii iɔ dɔ ké yá pò aa mà n musuá síana no. Aa e mpi sɔ ní té Mɔizi ikoyáí. ²⁵ Buipále Yesudeo sɔ, wa lakè wá òné wa zèò aa laaika sa'onɔɔi ní kpàao ní nòò kòlokpasai sóao ní gbásikeao.§

²⁶ ɔ Pɔlu gbépio sè tàrínɔ. Ké a gu dò aa gbãbò níziae, 5 à gè Lua ua, à gbãbɔ láagɔɔ sa pò wa o an baadee yá'ò.

Pɔlu kua

²⁷ Ké gbãbɔa gɔɔ sopla bee kà láaa, Azi bùsu Yudaɔ Pɔlu è Lua ua. Aa tekpà bílagu, 5 aa aà kù. ²⁸ Aale wiile aale mɛ: Isailiɔ, à wá leò. Gbéé bee

‡ 21:23 Nao 6.21 § 21:25 Zin 15.29

mé ɓo yáda gbépiiε gupiiu, ɓ Isailio awiambɔ ní Mɔzizi ikoyáɔ ní gue beeo. Bee gbεa à d̀̀e Lua uawa ɓo, à g̀̀eú ní Gelekiɔ. ²⁹ Aa ò màa ké aa Efese gbé Tɔfiú* è ní Pɔluo wéle guu yáa yáie, ɓ aale e Pɔlu g̀̀eààno Lua uaε.

³⁰ Wéle lòo, gbéɔ wí ní bao za gupiiu, aa m̀̀ Pɔlu k̀̀è Lua ua, aa aà g̀̀ale b̀̀ò. Wegɔ wà a gbaɔ tàta. ³¹ Ké aa ye aa aà de, yápi bao Loma sosaɔ gbẽzɔɔ lè, a mà Yelusaleũ lòo. ³² Wegɔ à sosa badeɔ sè ní sosa néo, ɓ aa g̀̀emá ní bao. Ké gbéɔ sosaɔ gbẽzɔɔpi è ní sosaɔ sãnu, aa Pɔlu gbεa tò. ³³ Ǿ gbẽzɔɔpi s̀̀ Pɔluzi, à aà k̀̀è à mè wà aà ye ní m̀̀daonaɔ m̀̀n pla. A ní lá à mè: Dén gbépi úi? Bó yá a k̀̀èi? ³⁴ Ǿ bíla guu gbéɔ lé wiile, aale yá dou oo. Ké zɔa tò gbẽzɔɔpi f̀̀ lé a súsú mao, à mè wà g̀̀eààno sosaɔ be. ³⁵ Ké wà k̀̀aààno dedekii, sosaɔ mé s̀̀ aà s̀̀ gbéɔ nɔnɔaaa yá. ³⁶ Asa gbépii teaàzi ní wiio, aale me: A aà de.

Pɔlu yá'oa Yelusaleũdeɔne

³⁷ Ké wa ye g̀̀é ní Pɔluo sosaɔ be, ɓ à gbẽzɔɔpi là à mè: Nyɔ we mà yá'onéa? Ǿ a òè: Ni Geleki yámaa? ³⁸ Egipi gbé p̀̀ f̀̀le ní gbãadeɔ z̀̀azɔa à g̀̀e guwaiwaiu ní b̀̀sudenaaɔ gbẽɔn òaasɔɔo leε síiɔn n úo lò? ³⁹ Pɔlu wèwà à mè: Yudan ma ũ. Wà ma i Taasu, Silisi b̀̀suue. Wéle tɔsaide no. Ma wabikèma, ma gba zé mà yá'o gbéɔne. ⁴⁰ A aà gbà zé, ɓ Pɔlu zè dedekii, à ɔkè gbéɔne. Ké aa n̄le kilikili, à yá'oné ní Ebelu yáɔ à mè:

* 21:29 Zin 20.4

17 Ké ma εa Yelusaleũ, máε lousisi Lua ua, ã ma wépfungu'è. 18 Ma Dii è, a òmεε mà ke mà bɔ Yelusaleũ kpakpa, asa gbéɔ yá pɔ máε o a musu sio. 19 Ǿ má ò Diiε, aa dɔ́ sáasá ké miɔ gē lousisikpe ní lousisikpeo màɔ aà náaikenaɔ ká kpéu wàɔ ní gbē. 20 Ké wàε aà seelade Etiεε de sɔ́, mapi má kú weε, ma ze ní aà denaɔ, má ní ulaɔ kũané.‡ 21 Ǿ Dii òmεε mà gé, a ma zí e buipáleo kíi zàzãε.

22 Aa swákpà aà yáí e à gè kà buipáleo yápiwa, ã aa nà wiiwa aa mè: A aà de! Gbéε bee taa kua zevío! 23 Aale wiile, aale ní ulaɔ gbãε, aale bùsuti zu musu. 24 Ǿ Loma sosaɔ gbēzɔɔ mè wà gē ní Pɔluo ní be, wà aà gbē ní flaalao e aà síana'o, wi e yá pɔ wàε wiidɔwà a yáí ma. 25 Ké wàε Pɔluo ɔɔ poo wà aà ye, a ò sosa bade pɔ kú weε: A a zé ví à Loma gbé gbē yákpalekεsaia? 26 Ké sosapi yápi mà, à gè a ò ní gbēzɔɔε à mè: Nle ke kpelewa ní? Gbépiá Loma gbéε. 27 Ǿ gbēzɔɔpi mɔ́ Pɔluo là à mè: Omεε, Loma gbén n ũa? A wèwà à mè: Ao. 28 Ǿ gbēzɔɔpi òè: Ma ɔ zɔɔ kpàε, ã ma gɔ́ Loma gbé ũ. Ǿ Pɔluo òè: Mapi, wà ma i a ũε. 29 Ǿ gbé pɔ aa ye yálalawà yãaɔ bɔzã gɔɔ. Ké gbēzɔɔpi dè Pɔluá Loma gbéε, vía aà kù, ké a tò wà mɔkàwà yáí. 30 A gu dɔ́, ké gbēzɔɔpi ye à yá pɔ Yudaɔ mɔ̀ò sáasá ma, à mɔ̀pòlowà, ã à sa'onkiaɔ ní Yuda gbãadeɔ káaa, à mɔ́ ní Pɔluo ní aε.

23

Yuda gbãadeɔ yákpalekεa ní Pɔluo

‡ 22:20 Zln 7.58

¹ Pɔlu wɛpɛ gbãadeɔwa à mè: Ma gbéɔ, yã lé ma sɔ vɛ Lua aɛo e ní a gbão. ² Ɔ sa'onkia Anania ò a dɔaionɛ aa aà lɛ a léwa. ³ Ɔ Pɔlu òè: Lua n lɛ sɔ, gbɛnazin kaadɔɛmbɛ.* N zɔlɛ ní lɛ yákpalekɛmanɔ ikoyã musu, mé mpi sɔ, n bɔ a kpɛ, ní ò wà ma lé. ⁴ Ɔ dɔaipiɔ mè: Mmɛ ní lɛ Lua gbàgbankia sɔsɔ màaa? ⁵ Pɔlu mè: Gbéɔ, mi dɔ sa'onkia no, asa a kɛa láu wà mè, wásuli wá bùsu gbãade tɔbɛsio.†

⁶ Pɔlu dɔ ké gbãadepiɔ gbɛɔá Saduseɔnɛ, an gbɛɔ sɔ Falisioɔnɛ, ɔ a òné gbáugbãu: Ma gbéɔ, Falisin ma ũ, Falisio nɛn ma ũ. Gɛɔ vua yá pɔ ma wé dɔi yáí ɔ á lɛ yákpalekɛmanɔ. ⁷ Ké à yápi ò, Falisio ní Saduseɔ fɛlɛkɔwa ní lekpaao, ɔ kãakɛnaɔ kèaa lɛɛ pla. ⁸ Saduseɔ ì mɛ gɛɔ lí vuo,‡ mé malaikaɔ ní nisinaɔ kuo. Falisio sɔ aa zè ní beɔ kuaɔ. ⁹ Wii gbãa da ní guu, ɔ Falisi pɔ aa! Mɔizi ikoyã danéɔ fɛlɛ ní lekpaao gbãao aa mè: Wi yãváie e gbéɛ beewao. Tó nisina ge malaika mé yã'òè sɔ bɛ? ¹⁰ Ké lekpaao gbãakù, sosaɔ gbɛzɔɔ lé víake, ké gbéɔ su Pɔlu taitaikɔɛo, ɔ a ò a sosaɔnɛ aa pila gɛ ní guu, aa aà kũ gɛaàno ní bɛ.

¹¹ A gwá Dii bò mò Pɔluwa à mè: Sɔdile! Lá n ma yã'ò Yelusaleũ la, sema n o Loma bɔ.

Lɛkpaata Pɔluzi

¹² Ké a gu ò Yudaɛɔ kãaa asii guu, aa lɛgbɛ aa mè wa pɔbleo, wa imio e gɔɔ pɔ wà Pɔlu dè. ¹³ Lɛkpaainapio de gbɛɔn blala. ¹⁴ Aa gè sa'onkiaɔ ní gbɛzɔɔ kũ, aa òné: Wá sɛ ní Luao wa mè, tó wi Pɔlu dɛo, tó wa pɔblè, Lua láaikɛwá. ¹⁵ Apio ní gbãadeɔ

* **23:3** Mat 23.27-28 † **23:5** Bɔa 22.27 ‡ **23:8** Luk 20.27

píi à ge o sosaò gbězɔɔe àà móé ní Pɔluo lá á ye à àà yáò táasika de a káaulawa. Wápiò sɔ wáò ku sɔu guu wà àà de zéu e àò gé kái la.

¹⁶ Pɔlu dāe nɛgɔɔe ní baikpaapi mà, ɔ à gè gè sosaò be, a ò Pɔluɛ. ¹⁷ Ǿ Pɔlu sosa badee sisi a òè: Gé ní èwaasoeo á gbězɔɔ kíi, asa a ye baœ kpaè. ¹⁸ Ǿ à àà sè gèaàno ní gbězɔɔ kíi à mè: Pɔlu dakpɛuna ma sisi, a gbèaa mà mo n kíi ní èwaasoeo. A yāe ví a ye onɛ. ¹⁹ Ǿ gbězɔɔpi èwaasopi kù a ɔwa à gèaàno gusaɛ mípla, ɔ à àà là à mè: Bó yá ní ví n omɛi? ²⁰ Ǿ à mè: Yudaò mé lekpaai, aa ye gbɛama n mó ní Pɔluo ní gbāadeɔne zia, lá aa ye àà yá gwa de a káaulawa. ²¹ Nsu we ní yáio, asa an gbéó lé àà dá zéu, aa de gběon blala. Aa legbè aa mè wa pobleo, wa imio e gɔɔ pó wà àà dè. An sɔu mà kò, n yá an swá dɔi. ²² Gbězɔɔpi ò èwaasopiɛ: Nsu to gbèe dɔ ní òmɛeo. Ǿ à àà gbàɛ.

Pɔlu gbaea Sezale

²³ Ǿ à sosa bade gběon plaò sisi, a òné: A o sosa fèndade gběon òaa doɔne aa sɔuke aa gé Sezale oosi ublegɔɔ ní sɔde gběon bàaɔkwio ní sɔnde gběon òaa doɔ. ²⁴ A sɔ yá keke Pɔluɛ àà dikpɛ geò bùsu gbězɔɔ Felisi kíi yákelesai. ²⁵ Ǿ à lakèè à mè: ²⁶ Bùsu gbězɔɔ Felisi, mapi Kolodi Lisia, ma lāɛ bee kène, ma fɔkpàma. ²⁷ Yudaò mé gbéɛ bee kù, aa ye aa àà de. Ké ma àà dɔ Loma gbé ũ, ɔ ma ge ní sosaò ma àà simá. ²⁸ Ké má ye mà àà yá pó aa m̀òaa ma, ma àà sè ma geò an yákpalekenao kíi. ²⁹ We má d̀su àà yá pó aa m̀òaa de an ikoyá ũɛ, i yá pó kà wà a de ge wà a

dakpeu keo. ³⁰ Ké wà lekpaàiaàzi, wà a kpáí kèmεε, ò ma aà gbàεoma gḡo, má ò yādeone aa gé ní aà yáo n kíi we.

³¹ Ǿ sosaò kè lá wa ònéwa, aa Pòlu sè gèò Antipati gwāasina. ³² Ké gu dḡ, sosa pḡ be kèseò Pòlu nà sḡdeone ní ǿzī aa geaàno ae, ò aa èa tà ní be. ³³ Ké sḡdeò kà Sezale, aa lápi kpà bùsu gbēzḡpiwa, ò aa Pòlu nàè a ǿzī. ³⁴ Bùsu gbēzḡpi lápi kyokè, ò à Pòlu là bùsu pḡ à bḡu. A mà Silisi bùsu à bḡu, ³⁵ ò a òè: Tó gbé pḡ yāvinnḡo mò, má ma lá aa o. Ǿ à mè wàò aà dḡa ua. Elodi mé uapi kpà yāa.

24

Yudaò fèlea ní Pòluo Sezale

¹ Gḡo sḡo gbεa sa'onkia Anania mò Sezale ní gbēzḡdeò ní ikoyādḡna pḡ wī mèè Tεetuluo. Aa mò ní Pòlu yáo bùsu gbēzḡo kíi. ² Ké wà Pòlu sīsi, Tεetulu fèle lé yādaaàla à mè: Felisi, ní n báaao wá bùsu na à kè zài. N zia làasookeεa mé mò ní wá kálea maao. ³ Wī n tḡnasi, wàò n sáaukpa gupiiu gḡḡpii. ⁴ Ké má ye mà n gágao, má wabikεma, sùuukεwanḡ, wá yá yḡḡnaε ma. ⁵ Wá è gbépiá gbēnazin èbeε. I zḡada Yudaò guu dúnia guu píi, a de lousisize εε pḡ wī me Nazaletideò dḡaanaò do ũ. ⁶ Baa se a ye Lua ua gbāle, ò wa aà kù. ⁷⁻⁸ Tó n gḡepi làla nzia, níyḡ aà yá pḡ wa mḡò síana dḡ. ⁹ Ǿ Yudaò yá'idia aa mè lá yápio den we.

¹⁰ Ǿ bùsu gbēzḡpi mikè Pòluε aà yá'o. Ǿ Pòlu mè: Lá má n dḡ yákpalekena ũ bùsuε bee guu a wē gēgē, ò mále a mibḡayá'ò ma laaiwa. ¹¹ Tó ní gbèa, wa one ma gea Yelusaleũ lousisii de gḡo kuεplalao. ¹² Wi

ma e mále lekpaake ní gbēeo Lua uao. Wi ma e mále zɔada lousisikpeo guu ge wéle guuo. ¹³ Gbépio fɔ yá pɔ aa liamazi seelade eneo. ¹⁴ Siana má òne, zé pɔ aale me lousisize eee guu ɔ mále zoble wá deziɔ Luae. Má yá pɔ wa kè Mɔizi ikoyá guu ní anabio pɔɔ náai ví. ¹⁵ Ma wé dɔ Luai lá ampiowa, ké gbēmaao ní gbēváiɔ bɔ gau píi. ¹⁶ Ayāmeto mio azia toto gɔɔpii ke ma sɔ su àò ví Lua ae ge gbēnazina aeo. ¹⁷ Ma wékea ní ma bùsuo gbeya ma ea su ɔdama kèné, ma sa'ò ¹⁸ Lua ua. Ké mále sa'o ma gbābɔa gbeya, ɔ wà ma le we. Mi bíla káaao, mé zɔa kuo.* ¹⁹ Azi bùsu Yudaɔ mé yádeɔ ũ. Sema aa mɔ wà yābɔ kɔ léu n kíi. ²⁰ Tó màa no, tó gbé pɔ aa ku laɔ dàa pɔ aa èa gɔɔ pɔ aa yákpalekèmanɔ o. ²¹ Sema yá mendo pɔ má òné ní lɔɔ gbāao ma mè, gɔɔ vua yá musu ɔ aale yákpalekeimanɔ bàasio.†

²² Felisi Yesu zé bɔɔle dɔ, ɔ à lakà Yudaɔ yáa à mè: Tó sosaɔ gbēzɔɔ Lisia m̀, má á yá midé. ²³ A ò sosa badee aàɔ Pɔlu d́a, āma aà aà gba íana, i to aà gbéɔ dɔaàle.

²⁴ Gɔɔpla gbeya Felisi m̀ ní a Yuda nɔ pɔ wí meè Dusii. A Pɔlu sisi, ɔ à Kilisi Yesu náaikɛa yāmawà. ²⁵ Pɔlu lé yá'o maakɛa musu ní ziakūadɔɔ ní yákpalekɛa ní gbéɔ pɔ lé mɔɔ, ɔ vía Felisi kù à mè: Fɛle tá gí. Gɔɔ pɔ ma ɔ'è, má ea n sisi. ²⁶ Aà wé dɔi Pɔlu a gbagusaedaee, ɔ Ìò aà sisi m̀ɔm̀ɔ aà m̀ faaiboanɔ. ²⁷ Ké à kè wè pla, Pɔɔsiu Fesetu z̀le Felisi gbeyu. Ké Felisi ye àò na ní Yudaɔ yáí, ɔ à Pɔlu tò dakpeu.

* **24:18** Zin 21.26-27 † **24:21** Zin 23.6

25

Pɔlu zea n gea Sezaa kɛio

¹ Fesetu zɔlea kpalau gɔɔ aã gbɛa, à fɛle Sezale à gè Yelusaleũ. ² Wekii sa'onkiaɔ n Yuda gbãadeɔ mò aà kɛi, aa fɛle n Pɔlu yáo. Aa wabikèwà ³ aà sùuuke, aà to Pɔlu móné Yelusaleũ. Asa aa zèd wà baikpaè zéu wà aà deɛ. ⁴ Ǿ Fesetu òné: Pɔlu ku kpéu Sezale, mapi sɔ má tá we tia. ⁵ A gbãadeeɔ mɔ gɛmanɔ, tó à yãvãikèɛ, í o.

⁶ Fesetu kèrɛnɔ gɔɔ swaaɔ ge kwi taawa, ɔ à èa tà Sezale. Ké a gu dɔ, à zɛle a gínaa à mè wà mó n Pɔluo. ⁷ Ké à mò, Yuda pɔ bɔ Yelusaleũɔ líaaazi, ɔ aa yázɔɔ pɔ wi fɔ a seela èoɔ dɔwà dasidasi. ⁸ Pɔlu yázásimá à mè: Mi zã Yudaɔ ikoyã ge Lua ua yáwao. Mi zã yãewa Sezaaɛo. ⁹ Fesetu lé weɛle à na n Yudaɔ ɔ à Pɔlu là à mè: Nyɔ we gé Yelusaleũ mà yákpalekenno we yáɛ beeɔ musua? ¹⁰ Pɔlu mè: Sezaa ikoyã pɔ kù wà yákpalekemanɔ ɔ má kúu la. Mi tàaekɛ Yudaɛo, lá mpi n dɔ sáasáwa. ¹¹ Tó ma tàaekè à kà wà ma deɛ, má gí wà ma deo. Ama lá mi yá pɔ gbéɛo lé o ma musue keo, gbèe zɛvɛ à ma kpámáo. Gɛa Sezaa kɛi ɔ ma zèd. ¹² Ké Fesetu lekpaai n a gbéɛo à mè: Sezaa n zèd, aà kɛi n yɔ géu.

Gɛa n Pɔluo ki Agipa n Beenisio aɛ

¹³ Gɔɔpla gbɛa kɛ Agipa n Beenisio mò Sezale fɔkpai Fesetuwa. ¹⁴ Ké aale gɔɔplake we, Fesetu bɔ n Pɔlu yáo kipiɛ à mè: Gɔɛe ku la, Felisi aà tò dakpɛu. ¹⁵ Ké ma ge Yelusaleũ, sa'onkiaɔ n Yuda gbèzɔɔ fɛlemɛɛ n aà yáo, aa mè mà sùuuke mà

yādaaala. ¹⁶ Má òné, tó gbé pò wà yā̀d̀wà i k'è n a yā̀d̀madeo mé i zé'è à yápi zāsimáo, wá Lomadeo wili àà kpámáo. ¹⁷ Ké aa sùmano la, mi zezeo. Ké a gu d̀ò g̀ò, ò ma z̀le ma g̀naa ma m̀è wà m̀ó n gbépio. ¹⁸ Gbé pò yā̀v̀iaàǹpio yá'ò, aai yā̀v̀ai pò mále e wa d̀wà o àà yá musuo. ¹⁹ Aa yākele v̀iaàǹo n lousisize yá musu n g̀ze pò wí m̀è Yesu yáo. Agà, ò Pòlu zè n àà kua b́e yáo. ²⁰ Ma bilikè yápi zé d̀awa, ò ma àà là tó a ye gé Yelusaleũ wà yápi g̀g̀è we. ²¹ O Pòlu m̀è Loma kí ò a zèò, wàò a k̀a. O ma m̀è wàò àà d̀a e m̀ò gé àà gbaei Sezaawa. ²² O Agipa ò Fesetu: Má ye mà gbépi yāma mazia. O Fesetu m̀è: Nyò yāma àà léu zia.

²³ Ké a gu d̀ò Agipa n Beenisio m̀ò n gawi z̀o, ò aa g̀è k̀k̀aaakekp̄eu n sosaò gbèz̀o n ẃe gbé gbiao. Ké Fesetu lesi, wà m̀ò n Pòluo. ²⁴ O Fesetu yāsè à m̀è: Kí Agipa n gbé pò kúwanò laò píi, a gbé bee èa? Yuda pò kú Yelusaleũ n laò píi gbépi yá sè m̀òo, aale wiile a m̀è, a maa àò ku lo. ²⁵ Mapi, mi e à yāe kè à kà wà àà deo, ò lá à zè n Sezaao, ma zèò mà àà gbaewà. ²⁶ Mi yápi gbadò mà lákè ḱe àà yá musuo. A yáì tò ma m̀oàǹo á ae, at̄esa mpi kí Agipa, ké yālalaawà gbea mà yá e mà a lákè. ²⁷ Asa dakpeuna gbaema yá pò wa d̀aala oa wásawasa sai, i kem̄e zev̄io.

26

Pòlu yá'oa kí Agipa ae

¹ O Agipa ò Pòlu: N zev̄i n n yá'o. O Pòlu osè à azia yá b̀olekè à m̀è: ² Kí Agipa, má è ma minakè, ké

ma è male mazia ya booleke n ae gba, ya po Yudaο liamazi musu pii. ³ Atesa ke ni Yudaο felekaaya do pii ni ni yakeleο. Bee yai ma wabikema, ma yae mamεε. ⁴ Yudaο ma kua do za ma nefenenzi daalea ma busuu e Yelusaleu. ⁵ Aa ma do a gegε. To aa yei, aa fo o ma de wa lousisin gali po gbaa ni Lua yao wi me Falisio gbe u. ⁶ Tiasa wale yakpalekemanο, ke ma we do le po Lua gbε wa deziνεzi yai. ⁷ Wa bui kuεplaο aaiο zoble Luaε gwaaaina ni faaneo wedba legbea doupizi guu. Ki, wedba yapizi yai Yudaο felemanο. ⁸ Boyai Lua geo vua kee yazesai ui?

⁹ Mapi yaa, ma zed ke ya po a bo Yesu Nazaleti ya kpe pii o malio ke. ¹⁰ Ma ma ke Yelusaleu. Sa'onkiaο ma gba ze, o ma Lua gbεο ka kpeu dasi. To wale ni dede so, ma le io ku a guue.* ¹¹ Mio ge lousisikpe ni lousisikpeo monmoο maο wetεamone, mi ganama aa doε ni Luao. Ma po feanzi, o mi ge idaima ni wele baο.†

Polu zikεa Yesuε

¹² Beewa male ge Damasi ni iko po sa'onkiaο ma gbaεoo. ¹³ Ki, ke ma be zeu itε minanguo, ma gupua e a bo luabe a kulea ni ma gbεο, a pasi de itεa. ¹⁴ Wa lele zile wapii, o ma bo ma, wa omεε ni Ebelu yao wa me: Solu, Solu, boyai nle idaiiai? Lipanazoa ni teo me le ikpanzi fa! ¹⁵ Ma me: Mmenn dei, Dii? O Dii me: Mamε ma Yesu po nle idawa u. ¹⁶ Fele ze. Ma bo mo ma ke ma n se ma zikεna ue, ni de ya po ni e ni ya po ma onneo seelade u. ¹⁷ Ma n suaba Yudaο ozi ni buipaleο. Male n zimā, ¹⁸ ke ni ni we kene, aa

* 26:10 Zin 8.1-3 † 26:11 Zin 9.1-2

bɔ gusiau aa gẽ gupuau, aa bɔ Setãu ikou aa gẽ Lua pɔu, an duuna i kẽmá, an bàa iɔ kú ní gbé pɔ an kua adoao ma náaikɛa yáí.

19 Kí Agipa, Ayãmeto mi gí luabe gbé pɔ bɔ màa yã'one maio. 20 Ma waasokè Damasi gĩa ní Yelusaleũo, † ò má kè Yude bùsu gupiiu ní buipãleɔ kíio. Má òné aa nòselilɛ aa ze ní Luao, aai yá pɔ a to wà dɔ aa nòselilɛ ke. 21 Bee yáí Yudaɔ ma kũ Lua ua, aa ye ma de. 22 Lua dɔnlɛ má kuò e ní a gbão, ò má zea aà seelade ù néfɛnen gbẽzɔɔone píi. Mili yãpãle oo, sema yá pɔ ãnabiɔ ní Mɔizio ò à kè bàasio. 23 Aa mè Mesii a taasikɛ, òme a bɔ gau séia, i gupua yã'o Yudaone ní buipãleɔ. §

24 Ké Pɔlu lé azia yá bɔɔleke màa, Fɛsetu wiidòwà à mè: Iana kàma yà Pɔlu? N dɔa zɔɔ mé lé n mi liaa. 25 ¶ Pɔlu mè: Iana i kaao, Fɛsetu. Yázede málɛ o mé sianaɛ. 26 Kí, lá ní yá beeo dɔ, má fɔ mà a yã'one wásawasa bakũaanakesai. Má dɔ ké a kee i ke n mi kpeo, asa yápiá gusae yá no. 27 Kí Agipa, n yá pɔ ãnabiɔ ò sĩa? Má dɔ ké ní sɪ. 28 ¶ Agipa ò Pɔluɛ: N ye ma dedenleɛ ke mà gɔ Yesude ù gɔɔ yà? 29 Pɔlu mè: Gɔɔ ge zá má yei, tó Lua wèi. I ke ndo no, ní gbé pɔ aale ma yãma gbão píi, aa gɔ lá má dewa, mɔdaonae beeo bàasi. 30 ¶ kípi ní bùsu gbẽzɔɔo ní Beenisio ní gbé pɔ kãaaa weo fɛle bɔle. 31 Ké aa bɔle, aale o'okɔɛ: Gbèpi i yãe ke à kà dea ge wà dakpeuo. 32 ¶ Agipa ò Fɛsetuɛ: Tó gbèpi i me a yápi a gé Sezaa kíie yãao, wá aà gbaɛɛ.

† 26:20 Zin 9.20, 28 § 26:23 Isa 42.6, 49.6

27

Gea ní Pɔluo Loma

¹ Ké wà zèò wà da Itali zéu, ɔ wà Pɔlu ní dakpeuna kinieo ná sosa bade pɔ wí meè Zuliue a ɔZÍ. A de sosa gáli pɔ wí me Sezaa sosao doanao do ũ.

² Wa gē gó'ílēna pɔ bə Adamiti, àlɛ bole ní Azi bɔsu wéleɔ guu, ɔ wa dazeu. Masedoni bɔsu gbé Alisaka Tesaloni kúwanɔ. ³ Ké a gu dɔ wa ka Sidɔ. Zulu Pɔlu kúa ní nɔsedoũo, ɔ à aà gbà zé aà gé a gbéɔ gwai, ké aa e ɔdawà. ⁴ Bɔa we wa pele í guo. Ké Íana lé dawále yáí wa dɔ Sipi bɔsu kpe oi. ⁵ Bea ísia guo wa dɔ Silisi ní Pámfilí bɔsuɔzi, ɔ wa ka Mila, Lisi bɔsuu. ⁶ Wekíi sosa badepi Alésāndi gó'ílēna pɔ lé gé Itali è, ɔ à wá káu.

⁷ Goo plae dà wá tá kɔɔnkũ. Dēe ní dēeo wa ka Sinidi léí. Ké Íana i weiwēe wà gé súsuo, wa pāale wa bɔ Keleti bɔsu kpe oi Samɔne sae. ⁸ Dēe ní dēeo wále dɔ Keletizi, ɔ wa ka gu pɔ wí me Godɔkíi Maau. A kái ní wéle pɔ wí me Laseo. ⁹ Lá wa gēgē zéu, wá táa'o gea ae gɔ kai yá ũ, asa Yudaɔ leyegɔ gè kò. Ayāmeto Pɔlu ledámá ¹⁰ à mè: Gbéɔ, má è táe bee a mó ní ásoo zɔɔo ní músio. I ke gópi ní a asoɔe adoo, ní wápiɔe bɔ. ¹¹ Ama sosa bade gobɔna ní godeo yá sí de Pɔlu pɔa. ¹² Gupi maa wà godɔu wà buziɛble weo, ɔ gbé daside zè ní daa zéuo. Aa ye wà ka Feniki, wéle pɔ kú Keleti be'ae oi, tó a zekè, wí buziɛble we.

Zàa'íana fɛle ísiaa

¹³ Ké Ían buse fɛle geomidɔkíi oi, aale e wà fɔ ní pɔeā kee. ɔ aa ní gó pòlo aa dàzeu, aale dɔ Keletizi káikái. ¹⁴ I gēgēo, zàa'ían gbāa pɔ wí me Ían pásí

pila Keleti gbewa. ¹⁵ A goliaa, wi f̄o dàe loo, ã wa ḡo tei. ¹⁶ Ké à wá kpá gūgūn néna pó w̄i me Kodai, wa dáama'è yoo. D̄eé ní d̄eéoo wa wá góne suababo è wá kù we. ¹⁷ Ké aa yè wa nà gó z̄oo piwa, ã aa kèke bakà gó z̄oo pié. Ké aale viake pāa Libii búsu isaaaé, ã aa gó kúla pèle íu, ã aa ḡò té íanai. ¹⁸ Ké a gu d̄ò, lá z̄aa íana ḡi lé wá gó z̄aa papa gbáugbáu, ã aa nà asoo zuzua íuwa. ¹⁹ A goo àaãde z̄í aa ní gó z̄ikeboò b̄òle k̄òle nízia. ²⁰ A kà goo ũma íatē ní saanao i boò, mé ían pásipi ní louo i kpáleo. Buaa aafia pó wá wé doi yāa kè fama. ²¹ Wa gooplakè, wi e p̄oblèò, ã P̄olu f̄èle òné: Gb̄éò, tó a ma yāmà yāa, d̄o wi f̄ele Keleti, músi ní ásooe beeo gbàsa wá léo. ²² E tia mále ledawá, à s̄òdile! A gb̄e a gao, sema gópi wíwi bàasio. ²³ Gia gwá Lua pó má de aà pó ũ mé mi z̄obleè, aà malaika b̄ò m̄da ²⁴ à mè: Nsu viakéo, P̄olu. Sema n̄ Sezaa ae le. Lua gb̄é pó kúrín̄o gó guuo b̄òne aafia nípii. ²⁵ Ayāmeto gb̄éò, à s̄òdile! Má Lua náai ví ké a ke lá a òmewa. ²⁶ Sema wà ka gūgūnae isaaa.

²⁷ A goo ḡeo m̄endosaide gwá ían pásipi lé wá gále Adiati ía e tia. O w̄eedo ígb̄eò lé e wa k̄áikù ní ḡs̄òleo. ²⁸ O aa bà i'egwabo gb̄ae íu, aa è a e ḡàs̄isuu basiiõ. Ké à kè s̄aa yoo aa gb̄ae lo, aa è a e ḡàs̄isuu bàao. ²⁹ Aale pāa gbewa viake, ã aa kúla m̄en síiõ gb̄ae gó p̄òkpe, ã aale Lua sisi gu d̄oné kpakpa. ³⁰ Gópi z̄ikenaò lé zeweele wà b̄ole gó guu wà bàale, ã aale gó suababopi pila aa da ía, aale ke lá wa ye kúlaò gb̄ae go'aewa. ³¹ O P̄olu ò sosa badee ní aà sosanao: Tó gb̄é beeo i ḡo gó guuo, á e boò. ³² O sosao gó suababo baò z̄òz̄ò, aa tò à l̄èle íu.

³³ Ké gu ye doi, Pɔlu awakpàné mípii aa pɔble à m̀è: A gɔɔ g̃eo m̀endosain gbã a g̃o looa pɔblesai. ³⁴ Mále awakpaé à pɔble, asa a maa á pɔleba à ɔɔaε, í e bɔ aafia. Baa á mikã m̀endo a ṽuaao. ³⁵ Pɔlu yápi oa gbɛa à p̃εε s̀è à Lua sáaukpà gbépii wáa, ɔ a è àle só. ³⁶ Ampii aa s̃d̃ile aa pɔblè sa. ³⁷ Wá gbé pó wá kú gó guuɔ píi, wa ka gb̃ɛɔn òaa do ní basiĩ s̃ĩs̃aio (276). ³⁸ Ké aa pɔblè aa kã, aa pówena b̀le zù íu, ké gó e yáfúkū yáí.

³⁹ Ké gu d̀ò aa g̃s̃s̃e è, aai d̃ɔo. Ké aa ísia s̀òmiboa è a g̃s̃s̃ daaía, ɔ aa z̀èd̀ wà gé ní góo isaaa we, tó wa f̃. ⁴⁰ Aa kúlaɔ wòlo aa tò í guu, ɔ aa golilibɔɔ ba pòlo g̃ò. Aa go'aε zwāa pòo íanaε, ɔ aa mipè g̃s̃s̃piwa. ⁴¹ Ǿ aa s̃í ũf̃āu ní saε, ɔ gó z̀è we. ũf̃āpi go'aε k̀ù giũgiũ, i f̃ d̀èeo, ɔ ikooa pó lé ṽiṽí ní gb̃āao lé gó p̀òkpε wiwi. ⁴² Sosao z̀èd̀ wà dakpεunaɔ d̃εd̃ε, ké an gb̃ε su kpáa'o pilimáo yáí. ⁴³ Ama sosa bade ye Pɔlu misi, ɔ à g̃iné aa ní p̃eá kε. A ò kpad̃naɔ ɔaa kusi íwa aa bua, ⁴⁴ gbé k̃iñiɔ iɔ té ní kpε lipεpεεɔ ge gó kasoɔ musu. Beewa ɔ gbépii baa lè aafia.

28

Pɔlu kua Malita gūgūnaa

¹ Ké wa baa lè aafia, wá mà gūgūnapi tón Malita. ² Beleɔ wá kú ɔplapla ní yeawázio. Aa gb̃āakpawázi, aa té sa k̃aw̃εε, asa lou nà maawa mé íana b̀le. ³ Pɔlu yàa kele ñāaa m̀ò lé kátεu, píligona ku a guu. Ké té pusu aà pà, à b̀ò Pɔlu k̀ù a ɔwa. ⁴ Ké beleɔ ml̃ēpi è ɔɔ aà ɔwa, aa òk̃ɔε: Gbé beeá gb̃ēdenaε s̃iana. Baa ké à bùa íwa aafia, s̃iana i weìè à ɔkuo.

⁵ Ama Pɔlu mlɛpi gbàe a dà téu, i yāe keèo. ⁶ Gbɛ́o wé dɔi aà ɔ a ka à léle ge ũ wegɔɔe. Ké à gègè, aa è pɔe i aà leo, ɔ aa lé lile aa mɛ gbɛ́piá luaee.

⁷ Gupi sae gūgūna gbɛ́zɔɔ pɔ wí mɛè Publiu be kuu. A wá díle gɔɔ àaɔ, à nibɔ kèwɛe ní yeawázio. ⁸ Publiu mae wúlea ní mɛwāao, àle bānubānukɛ. ɔ Pɔlu gè aà kíi, à wabikèè à ɔnàwà à aà gbàgbā. ⁹ Ké à gbàgbā maa, gūgūnapi gyāe kīniɔ mɔ aà kíi, ɔ aa gbàgbā sɔ. ¹⁰ Aa wá kpɛlà maamaa. Ké wále tá, aa kūsúakèwɛe lɔ.

Pɔlu kaa Loma

¹¹ Wá kua gūgūnapiu mɔ àaɔ gbɛa wa gè gó'ilena pɔ buziɛlè weu, wa dazɛu. Gópi bɔ Alesāndi, wà táasiaɔ seela kèwà. ¹² Ké wa ka Silakusa, wa gɔɔ àaɔ kè we. ¹³ Bɔa we wa dɔ gɔsɔlei e wa ge kaɔ Lɛgio. Ké a gu dè íana bɔ geɔmidɔkíi oi, a gɔɔ plaade wa ka Puzɔli. ¹⁴ Wélepi guu wa Yesudeɔ lèu. Aa mɛ wà sùuukɛ wà āsāa do keínɔ. Wá kè maa, ɔ wa da Loma zéu. ¹⁵ Loma Yesudeɔ wá bao mà, ɔ aa mɔ daiwále. Gbɛ́o wá lé Apiu'elɛu, gbɛ́o sɔ gu pɔ wí mɛ Pilakíi'aaɔu. Ké Pɔlu ní é, à Lua sáaukpà, aà sɔ nīni. ¹⁶ Ké wa ka Loma, wà Pɔlu gbà zé aàɔ ku adoa ní sosa pɔ lɔ aà dɔao.

¹⁷ Gɔɔ àaɔ gbɛa Pɔlu Yuda gbɛ́zɔɔ sisi. Ké aa kàaa, a òné: Ma gbɛ́o, mi zā Yudaɔne yāewao. Mi bɔ wá deziɔ felekaayāe kpɛo, ɔ wà ma kū Yelusaleŭ wà ma kpa Lomadeɔwa. ¹⁸ Aa yālálāa, aai yāe e ma musu à kà wà ma deo, ɔ aa ye ma gbae. ¹⁹ ɔ Yudaɔ bɔ ma kpɛ. Teasi ma ze ní gea Sezaa kíio, * i ke má yāví ní

* 28:19 Zln 25.11

ma bùsu gbéno. ²⁰ Ayãmeto ma á gbéa wà k'è mà oáno, asa gbé p'ó Isailio wé d'oi yáí wà m'ee bee kàia.

²¹ O aa òè: Wi taalae e à b'ò Yude bùsuu n yá musuo. Wá gbé s'ò i b'ò we à s'uwá ní n bao v'áioo.

²² Wá è a maa wà yá p'ó ní k'ua ma n léu, asa wá mà w'í lousisizepi b'èebo gupiiue.

²³ Aa g'oo d'ilek'èe ní P'oluo, ò aa mò aà k'íi ua p'ó à p'ílau dasidasi. A ye aa a yáze d'ò Yesu yá musu, ò à dàale M'ozizi ikoyáwa ní ánabio yáó, à kpala p'ó b'ò Lua k'íi yá'òné, à a b'oo lek'èné za k'oo k'oo e oosi.

²⁴ Gb'eeo yá p'ó àle o'ò zé è, áma gb'eeo g'íi. ²⁵ Ké aale k'èaa ní lek'paa, P'olu yá m'èndo k'áfiné à m'è: Yá p'ó Lua Nis'ina dà ánabi Isaiæ a ò á dezi'oneá síanae à m'è:

²⁶ Ge ò o gbé bee'one,
aa swá k'pa aao gé yáemasai,
aa w'étei aao gé yáe'esai.

²⁷ An n'òse paaao, ké aasu òn'ok'úo yáí,
an swá gb'áa, ké aasu yámao yáí,
an w'é k'úaaa, ké asu k'èo yáí,
asa aa ye ea sua mà ní gb'ágb'á.†

²⁸⁻²⁹ Ayãmeto, àò d'ò ké Lua gbéno z'í ní suabayáoo buipáleo'wa. Aame aa sí.

³⁰ P'olu k'è kpé p'ó àle a fiabo guu w'è búu pla. I'ò gbé p'ó a'á m'ò faaiboian'oo k'ú o'plapla pii. ³¹ A kpala p'ó b'ò Lua k'íi yá waasok'èné, à Dii Yesu Kilisi yádané ní laaio kpálea, gb'ee i k'paeo.

† 28:27 Isa 6.9-10

Bibeli Luayátaalá
The Holy Bible in the Boko language spoken in Benin
and Nigeria

copyright © 2010 SIM International

Language: Boko

Translation by: SIM International

Boko Bibeli Luayátaala

This translation, published by the SIM au Benin, was published in 2010.

If you are interested in obtaining a printed copy, please contact the SIM at ECWA/SIM H.Q., P.M.B. 2009, Jos, Plateau State, NIGERIA.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-09-25

PDF generated using Haiola and XeLaTeX on 21 Feb 2024 from source files dated 29 Jan 2022

ffb0f4b3-18b7-564f-bd5d-307e9e532fb9